

章邱縣志卷之十一

知章邱縣事嚴陵張萬青纂修

藝文

藝文志肇於班固漢書所以記六經九流百家之書目也嗣後各代史書與通典通志諸書靡不因之乃舊志創例削去著書人書目而止取記傳詩詞誇卷帙之多失其旨矣爰共紳士蒐輯遺編誌其名於此篇之首其遺文散帙湮沒而不傳者可勝惜哉他若禱體詩文有涉本邑山川利害之大與前賢流風餘韻之存擇其尤

章邱縣志

卷之十一 藝文

雅者附於篇作藝文志

書籍

唐

高祖實錄 二十卷房元齡撰

武后實錄 崔融撰

宋

洛陽名園記 一卷李格非著

漱玉集 李清照著

元

三事忠告

雲莊樂府

俱張養浩著

中菴集

二十五卷劉敏中著

華峰漫藁

華峰類藁

金陵集

俱張起巖著

明

同倫類訓

王昺著

劉璠集

劉璠著

廣文集

靳永相著

鄉政直指

章邱縣志

卷之十一

藝文

南游紀行

待焚諸藁

俱胡來貢著

閑居集

十二卷

揭要集

六卷

梧桐雨

一卷

寶劍記傳奇

經義待質

四卷俱李開先著

春遊草

秋懷草

俱袁崇冕著

樂府

二卷謝九容著

懋卿集

訓子質疑

感興百韻歌

太極圖解

性命辯

俱龔昂著

脫穎茅廬傳奇

臨歧柳傳奇

章臺柳傳奇

韋蘇州傳奇

申包胥傳奇

俱張國籌著

醉鄉小稿

章邱縣志

卷之十一

藝文

三

高仲子歸田稿

俱高應玘著

空塵集

華鰲著

迴文詩

四百首謝九式著

悅性錄

胡東銘著

皇清

蓄德錄

彭門腐草

字學蠡測

嘯園集

俱李縉明著

安政三畧

厚俗令書

海表奇觀

百僚金鑑 俱牛天宿著

自娛草 四卷張光啓著

龍吟集 袁建高著

愛軒家訓 王啟著

廣益錄 焦縝祥著

進藏紀程 王世睿著

四書平語 織批莊子

織批左傳 變卦說

章邱縣志

卷之十一

藝文

四

織批史記

織批杜詩 俱袁之升著

雪崖詩草 木翼宗著

月食考 韓尙夏著

嘯竹集抄本二卷 李廷彥著

南遊草 李敏樹著

一絃琴譜 張篤行著

文辭

貽張衡書

隋房彥謙

竊聞賞者所以勸善刑者所以懲惡故疎賤之人有善必賞尊貴之戚犯惡必刑未有罰則避親賞則遺賤者也今諸州刺史受委宰牧善惡之間上達本朝懾僮憲章不敢怠慢國家祇承靈命作民父母刑賞曲直升聞於天寅畏照臨亦宜謹肅故文王云我其夙夜畏天之威以此而論雖州國有殊高下懸邈然憂民慎法其理一也至如并州釁逆須有甄明若楊諒實以詔命不通慮宗社危逼徵兵聚衆非爲干紀

章邱縣志

卷之十一

藝文

五

則當原其本情議其刑罰上副聖主友于之意下曉愚民疑惑之心若審知內外無虞嗣後纂統而好亂樂禍妄有覬覦則管蔡之誅當在於諒同惡相濟無所逃罪梟懸孛戮國有常刑其間乃有情非協同力不自固或被擁逼淪陷凶威遂使籍沒流移恐爲冤濫恢恢天網豈其然乎罪疑從輕斯義安在昔叔向寘鬻獄之死晉國所嘉釋之斷犯蹕之刑漢文稱善羊舌寧不愛弟廷尉非苟違君但以執法無私不容輕重且聖人大寶是日神器苟非天命不可妄得故蚩尤項籍之驍勇伊尹霍光之權勢李老孔丘之才

智呂望孫武之兵術吳楚連磐石之據產祿承母后
之基不應曆運之兆終無帝王之位况乎萑爾一隅
蜂扇蟻聚楊諒之愚鄙羣小之凶慝而欲憑陵畿甸
覬幸非望者哉開闢以降書契云及帝皇之跡可得
而詳自非積德累仁豐功厚利孰能道洽幽顯義感
靈祇是以古之哲王昧旦丕顯履冰在念御朽兢懷
逮叔世驕荒曾無戒懼肆於民上騁嗜奔慾不可具
載請略陳之曩者齊陳二國並居大位自謂與天地
合德日月齊明罔念憂虞不恤刑政近臣懷寵稱善
而隱惡史官曲筆掩瑕而錄美是以民庶呼嗟終閉

於視聽公卿虛譽日敷陳於左右法網嚴密刑辟
日多徭役煩興老幼疲苦昔鄭有子產齊有晏嬰楚
有叔敖晉有士會凡此小國尚足名臣齊陳之疆豈
無良佐但以執政壅蔽懷私狗軀忘國憂家外同內
忌設有正直之士才堪幹持於已非宜卽加擯壓倘
遇誦佞之輩行多穢匿於我有益遽蒙薦舉以此求
賢何從而至夫賢材者非尙膂力豈繫文華唯須正
身負載確乎不動譬棟之處屋如骨之在身所謂棟
梁骨鯁之材也齊陳不任骨鯁信近讒譏天高聽卑
監其淫僻故撻收神器歸我大隋向使二國祇敬上

立惠恤鰥寡委任方直斥遠浮華卑非爲心惻隱爲
務河朔疆富江湖險隔各保其業民不思亂泰山之
固弗可動也然而寢卧積薪晏安鳩毒遂使禾黍生
廟霧露沾衣弔影撫心何嗟及矣故詩云殷之未喪
師克配上帝宜鑒于殷駿命不易萬機之事何者不
須熟慮哉伏惟皇帝望雲就日仁孝夙彰錫祉分珪
大成規矩及搃統淮海盛德日新當璧之符遐邇僉
屬讚歷甫爾寬仁已布率土蒼生翹足而喜并州之
亂變起倉卒職由楊諒詭惑註誤吏民非有構怨本
朝棄德從賊者也而有司將帥稱其願反非止誣誣

章邱縣志

卷之十

藝文

七

良善亦恐大黠皇猷足下宿當重寄早預心膂粵自
藩邸柱石見知方當書名竹帛傳芳萬有稷契伊呂
彼獨何人旣屬明時須存審諤立當世之大誠作將
來之憲範豈容曲順人主以愛虧刑又使脅從之徒
橫貽罪譴忝蒙眷遇輒寫微誠野人愚瞽不知忌諱

房彥謙碑銘

并序

唐

李百藥

易稱易之爲書也有天道焉有人道焉故君子居則
觀其象動則觀其變進退之數有定存亡之機可見
昔賈生董相抱命世之資懷王佐之才而連遭一世
擯壓當年軼風雷以長鳴絕雲霓而鍛翮樂天知命

順時守道雖逝川寂其浸遠而盛德久而彌新昔之
玉質金相求友於千載蘭芳桂馥起同氣於九原則
有之矣緬懷庶幾之道詳觀出處之跡可以追跡盛
業繼踵清塵者其惟都督臨淄定公焉公諱彥謙字
孝冲清河人也十三世祖植魏大司空封莊武侯七
世祖謚燕太尉掾曾祖相州主簿襲爵莊武侯祖翼
曹州主簿襲爵莊武伯父伯熊辟開府行清河廣州
二郡太守公稟元精之和粹體淳懿之淑靈心運天
機性與道合溫良恭儉博極羣書遠近遊學聲來響
應自遷宅齊土里稱冠蓋庭茂芝蘭行則連騎居則

列鼎雖比封君不之過也公明天人之際述堯舜之
道固宜弘獎名教溥利生民州郡之職蓋非其志郡
初辟爲曹州主簿公以周隋禪代紀綱紊弛勉而從
政乃整齊風俗申明獄訟進善黜惡道德齊禮政教
嚴明吏民悅服利物之人不自爲德不貪之實非畏
人知開皇初詔搜揚人物州縣敦逼公以疾辭後隋
文帝忌憚英雄不許晦跡邱園公懼而應舉授吏部
承奉郎遷監察御史轉秦州總管錄事叅軍尋以朝
集入京論考課之法不能見用改遷許州長葛令公
鎮之以清靜文之以禮樂訟以道息災以德弭百姓

感悅咸不忍欺遷都州司馬以州廢解任歸大業初
妙選賢良公應舉詔赴京洛公以朝綱頽壞起而就
徵攬轡登車卽有澄清天下之志於是激濁揚清風
馳草偃進擢者不致謝言受刑者咸無怨色自非道
在至公信以被物其孰能與於此哉旣而王政陵夷
小人道長忠言靡用大業十二年出爲涇陽令未幾
遘疾以其年五月壬申終於官舍春秋六十有九生
子玄齡輔佐大唐太宗皇帝眷言才子有懷遺烈貞
觀二年詔贈都督徐州五州諸軍事刺史四年追贈
臨淄公食邑一千戶諡定公五年三月安厝亭山縣

趙山之陽惟公風度凝重神英沉邃爰自幼年孝友
淳至行周於物寒暑不易其心智周於身變通不窮
其數而靈祇多忍幽明永隔豈不哀哉於是四方同
志之士百里懷音之客式追盛烈共勒豐石百藥爰
以疇昔交遊乃爲銘焉其辭曰遐觀方冊歷選人倫
名固難假德必有鄰簡侯攸訓天齊分命世祀有徵
重光無競顯允君子丕承寵光立門味道幽谷迷方
儀鳳潛形雕龍振藻弘之在人一變至道三徑雖阻
八紘方密僂俛末班逶迤下秩履斯異行垂此丕基
才高位下有志無時遺構有憑高門以闢眷言上壽

方期永錫

諫伐高麗疏

唐房玄齡

臣聞兵惡不戢武貴止戈今上古所不臣者陛下皆臣之所不制者陛下皆制之矣爲中國患無如突厥而大小可汗相次束手弛辯握刀分典禁衛延陀鐵勒披置州縣高昌吐渾偏師掃除惟高麗歷代逋命莫克窮討陛下責其弒逆身自將六軍征荒裔不旬日拔遼東虜獲數十萬殘衆孽君縮氣不敢息比功較德萬倍前王且陛下拔將於行伍之中取士於凡庸之末加以留情墳典屬意篇什筆邁鍾張辭窮班

邱縣志

卷之十一

藝文

十

馬撫萬姓以慈遇羣臣以禮褒秋毫之善解吞舟之網逆耳之諫必聽膚受之愬斯絕降乘吮思摩之瘡登堂臨魏徵之柩哭戰亡之卒則哀動六軍負填道之薪則精感天地衆美兼備臣深爲陛下惜之重之愛之寶之易曰知進退存亡而不失其正者其惟聖人乎蓋進有退之義存有亡之機得有喪之理爲陛下惜者此也傳曰知足不辱知止不殆陛下威名功烈旣云足矣拓地開疆亦可止矣邊夷醜種不足待以仁義責以常禮古者以禽魚畜之必絕其類恐獸窮則搏苟救其死且陛下每決死罪必三覆五奏進

蔬食停音樂以人命之重為感動也今士無一罪驅
之行陣委之鋒鏑肝腦塗地魂魄無歸老父孤兒寡
妻慈母望樵車而掩泣抱枯骨以摧心足以變動陰
陽傷害和氣實天下之痛也使高麗違失臣節誅之
可也侵擾百姓滅之可也長能為中國患夷之可也
今無是三者而坐敝中國為舊王雪耻新羅報仇非
所存小所損大乎臣願下沛然之詔許高麗自新焚
陵波之船罷應募之眾自然華夷慶願遠肅邇安即
死骨不朽

大唐齊州章邱縣長白山醴泉寺誌公之碑

章邱縣志

卷之二

藝文

士

闕二京大薦福寺奉敕闕三綴文沙門玄傘闕五薦

闕二福寺闕三翻經院校勘沙門正智寺都維闕一僧

道寂建此寺闕三

闕一曇花未出庸詎知寂滅之名覺日猶闕一曷嘗識苦

闕一空之相闕一夫金儀下降舍靈闕一爭月之光寶教旁流

闕一雲之潤闕一三車闕一駕闕二十化工闕三香不息所以化身

周流於別土神闕三於塵沙或十大聲聞駐形闕二一萬

菩薩納景涼臺觀闕一背嶺以宣慈清辨起闕二十未掩

白足闕一佛法之闕三月闕一咸闕一王城之舍蓋闕一生闕一道

闕一境發闕一若不人闕一具闕四諦幢高闕一者與今此醴泉

寺者是宋齊關二十經文師即關一身之菩薩關一遊神境

來屆茲山棲託巖阿聿修禪寂以為此地立武之分

青龍關四首以開疆據天齊而劃野却關二十尚父之關一

居九合一匡齊桓公之霸國爾其常白山者廼摩天

地關一地掩映蔽虧抱泉石以娛神出雲霞而養性山毛


地髮名花將軟草連芳關二十人關二繪關二形勝關二招提

自後七級崇圖關一起舍佉之五層關一重標戰勝之門

海目山亭妙相殫於變態虹梁鳥革大壯關三綵畫關二

塵凡關二香關一水調八解之關一風關一五音之說息心之

輩見流注以超昇廻面之徒仰幽關而悟入時逢關二

章邱縣志  卷之十一 藝文 十三

代屬關三十金林玉關一寥落幽巖我國家灌頂四天纂

圖千帝以佛乘為為馬用道品為城郭八方起塔關二

道形九關一聚鹽情殷關二十佛關二此精廬關一通堯日三

齊族姓向梵境以翹誠四履關一仰釋天而矯首又屬

中宗孝和皇帝龍興漢道馬入天經關二十周法界去

景龍二年歲次景子爰有齊州正智寺都維僧仁万

俗姓李字道寂慨茲墜孽抗表關一宗天鑒至誠特賜

名關二十否而還泰山靈掩以重開法俗歡康人神一悅

初師之行進表也夢乘船上山及翌關一赴朝所關一無

礙豈非興廢關一定通關一懸期關二十俶裝東上將關二州

闕二三藏義淨法師各代高僧天下重德先奉敕於大

薦福寺闕三律以闕六勝緣闕一城在東倍增闕二十四四闕一降

靈五闕一德闕一人天之表名揚宇宙之間聖闕一難闕一神

功巨測及將命星發載達京闕十時有闕三十身闕二輟絃

歌歲闕三卽以二月八日親率闔境老幼大會新寺表

慶天恩又於闕二之闕一尊卑就列鴈行齊聽闕三十忽見

有醴泉闕四三四尺深淺三尺餘色淨味甘爰符瑞典

挹酌同飲咸覺蠲痼豈不以闕一福闕一圓三靈允答光

揚寶闕一滋液金場故闕二十上聞闕三垂感有勅改名爲

醴泉寺仍更抽入冊九僧住持行道自亥波再委王

章邱縣志 卷之十一 藝文 三

題重開日殿赫而闕一昇月宮華而桂滿若乃闕二十海

精勤以齊深戒月澄空闕一密霧禪燈焰室巧避輕風

濯闕二之龍闕一洗毗闕一之鳥眼長祛五住遠効四心刷

闕一鴈以飛雲轡闕二十捨生之地續桂闕二有情根軌足

方闕一鳴金鼓闕一功不朽流福無窮斯並先帝之本願

莊嚴法師幽贊威神之所致也又師遊戲生死示闕二十五

儼如親對卽平時所將黑犬亦繫具闕一厥闕一無願

不從迺至有患心痛者但取廟前少土和水服之應

時便愈遺形是託神靈保持由是闕二十梁寺史傳師

本俗姓朱氏金城人也少出家闕一道林寺僧儉法師

爲和上業存禪闕字宋太始初漸彰異迹居止不定飲

食無時長髮跣足每闕二十詞同識記言不虛發應驗

如神或闕字視通於北闕字分形遍於南國竒怪忽恍不

可殫論以天監十三年歲次甲午十二月八日闕二十

相奄然示終時有異香闕字芬馥特勅厚加殯送葬於

鍾山獨龍阜仍於墓所闕字開善精舍勅陸倕製銘於

冢內王筠勒碑於寺陰闕二十生及其去也以精靈度

物哀憐庶類福祚皇王且彼託鍾山此依常白彼葬

龍阜此闕字龍臺前王挹風建開善之墳闕字後帝傾闕

醴闕二十至今大唐太極元年歲次壬子皇帝御天下

章邱縣志 卷之十一 藝文 十四

之三載凡一百九十九年化化之緣古今無盡明明

之德日月彌新其所變現之梗概闕二十之闕衆所未

諒恭敬者隨時受福疑慢者應念立徵事迹繁夥不

可備載當嘉聲上徹先帝令左臺監察御史宋務先

親加檢覆闕二十八正所以知歸以屬闕字緣獲未曾有

復命倍沃天心刺史楊元禧分符北極靈冕東藩

雨逐於行車仁風隨於轉扇黃金闕二十追鳥跡於

上乘想闕字繩寶地闕字動天宮薦瑞香園延光帝載縣

丞主簿縣尉闕字舍闕四羣物揚舡彼岸錄事闕字鄉闕

等門滋蘭闕字芽忠信滿於州閭因果闕字於闕虔命闕

奉闕二十九地荷於津通貝樹披春帝王之遺文秩矣六字

金闕三諸佛之正道通矣逃津闕一路菩薩運載之乘行字

矣闕八之闕二十况玄天大造充溢於盡空淨域鴻緣牢字

籠於物外昔迦闕三如來垂讚嘆之闕一彌勒當闕三表歌字

揚之偈若稽古訓式樹闕一碑仍於闕二十銘曰義天兆七字


昧優花未披但述五蘊孰辨三伊闕二火宅耀我金儀字

神足繼軌闕二揚闕一有闕六載表靈闕一開闕二十綱燬字

我寶地壞我金場花殘鷺沼煙輟龍香霞標歇滅石

徑荒涼其萬寓乘皇千靈纂帝日月連闕一飛行闕一契字

念新闕五高闕二十精標五門玉墀俶感銀闕一輿存其

章邱縣志  卷之十一 藝文 五

欲赴天泉闕一規國德寄誠墳廟傳詞翰墨瑞醴通流

嘉祥允塞重光佛闕二題宸極其紺軒加闕二十沙其先七

帝聖靈聿資神境冥扶默贊分形散影既墓彼山又

墳茲嶺寶鐸雙振金繩共炳化闕三真身永永其功闕一

泉闕五天闕二十宣聞諸典故鐫金鏤玉道該錙素式讚字

王猷闕一淨度勒像賢劫刊碑覺路其

重修夫子廟碑并序 宋 郭 灝

堯舜生於前有其位夫子之道未聞荀孟生於後無

其時夫子之教已尊然則有其位者行其道無其時

者垂其教道之行也堯舜當與繼聖而王矣教之垂

也苟孟豈得同時而語哉故曰肇自生民德無與鄰
跨千古以孤高掩百王而時出猶四瀆之潤周流莫
窮若兩曜之明照臨無外侯封王贈歷世彌寵春祀
秋祭溥天是奉自漢唐而下遠及我朝煌煌赫赫光
華日新不其偉歟舉天下郡縣皆設廟像齊魯尤盛
清平軍實歷下之屬邑舊有夫子廟在縣西南隅一
殿僅存旣隘且陋春秋二時縣官無置奠之所占籍
萬家儒生無會學之舍由是虞曹員外郎張君仲宣
字元忠以嘉祐五年庚子歲丁太夫人憂制執喪居
里因歎曰今之公卿大夫未始不由吾道而顯然臨

章邱縣志

卷之十

藝文

六

治之際罕能興起其事爲政化先甚不足取也遂率
鄉閭間好善者數十人同心協力輸錢出緡得資若
千尚未周用又以私財足之且白于軍使程公庫部
得丁夫官匠以佐其工命兵校公胥以督其役開基
拓地朝經暮營曾未旬月締構以完廟貌鼎新宮室
廬舍門廡窗戶悉皆備焉又新其塑像正其冕服而
自是來奠幣者得以嚴濟濟之容舒拳拳之志其制
也壯而弗麗宏而不僭其費也從衆之樂輸伺民之
餘暇不匱不撓績用有成張君費而不奢儉而中禮
鄉黨稱其孝弟朝野推其廉能茲役之辦實其效歟

灝被召承乏出宰茲邑用觀厥成躬試藝文而鄉閭
之間人知向學然後知夫子之教助治之速使人遷
善遠罪而不自知其有益也張君因以碑銘爲請固
辭之不克乃爲之銘曰我生之初教未誕敷我生之
後教乃興儒七國歷聘三千其徒斯文未墜孰能興
乎往者待我來者宗予師表萬世周流八區有道皆
仰無時可踰惟此陽邱置而弗修列位之耻諸儒之
憂惟此張君顧本是謀殿宇儀像一新爾猷階序垣
墻峻整軒昂前門後殿左室右堂設庠設序化邑孔
光儒冠儒服來者寢昌趨進濟濟威儀皇皇詩書禮
樂日就月將春誦夏弦清風再揚自爾厥後垂休無
疆

章邱縣志

卷之十一

藝文

十七

胡山記

宋 衡 鈞

胡山於章邱爲最高其神亦爲最靈相傳禱必有應
治平二年三年夏境內連渴雨始平馮公仰山欽神
克意勤請命其門人衡鈞辭以爲祝而遣其佐察奉
之率衆民以登祭始以尉王君和之行旣徹卽雨次
以簿陳君表臣行約三日如期雨仍歲並濟闔境薦
豐感休圖報卽山作廟以木易石以宇易龕神就宴
嬉人起嚴肅使夫神有常福人有常告於事得宜茲

用爲記

穆廷秀墓表

宋 王壽卿

有宋君子河南穆廷秀諱賓廷秀其字也少卓越有志操博通書史尤明周易老聃之道性冲淡不樂仕進嘉遯養素以終其身鄉閭無長幼貴賤莫不欣向謂之君子熙寧元年二月五日歿壽七十三穆氏世爲河南人唐秘書監寧之後自其高祖徙居開封至君挈其孥益東遂占籍于齊州之章邱縣歿葬女郎山之陽以其配趙劉二夫人祔後四十有五年當政和癸巳秋九月旣望刻石表墓以著不朽云

章邱縣志

卷之十一 藝文

一八

王魯翁穆氏先塋贊

宋 黃庭堅

王魯翁嗜篆一以李監爲師行於四方聞李監石刻之所在無風雨晨夜余未識魯翁見壁題曰是必陽冰之苗裔也已而果然其論陽冰筆意從老至少肥瘦剛柔巧拙妍媸皆可師承有味其言之也余嘗戲魯翁杜元凱左氏之忠臣王魯翁李監之上嗣也今世作小篆者凡數家大率以間架爲主李氏筆法幾絕見魯翁用筆可以酒醕陽冰之塚耳

穆伯初墓表

宋 無名氏

章邱有隱居篤行長者河南穆君歿於熙寧丙辰後

三十七年孫淡始錄其先人宣德手疏君遺善諉河陽王壽卿以爲墓表按君諱端宇伯初甫少力學剛毅能尊其所聞尤以孝著皇考賓才其子早以家付而喜散施君傾資奉之未嘗以有無爲言逮執喪焦毀過禮臨窆號慟屢至殞絕廬守墓側服竟始去後每諱日孺慕涕泣終其身而哀不衰季弟客死京師殞于中野它日君迹之弗獲乃招魂葬焉自是歲時與親朋游集輒悲思不樂嗚呼君隱士也其施設雖不大見于時觀其內行修飭而居鄉友善遇事造次必本於厚則蓄而不發者殆可知已宣德君名暈蓋章邱縣志

卷之十一

藝文

九

君冢嗣云

廉先生序

附題跋

宋李格非

齊郡有廉先生者隱君子也少時一負書應舉旣而不知其憎世而醜俗歟亦愛其身以有待歟不然得喪輕重已判於胷中歟年未四十忽然來隱於齊東湖山之鬱盡束其平生所讀書置屋棟間而獨抱夫易以老焉其大者則格非知誠恐不足以知之蓋言所可知以推所未知者則先生始來築室結廬植竹數千木數百若甚暇且易而其堅完蕃茂它人畢力莫能及人疑之曰此先生築室植木有術旣而又覺

其種田百畝活十餘口年歲無不給則曰是必能化
黃金後四十年考其壽當八九十而見其猶有童顏
也則曰是必能餌丹人數以告先生泛焉受之不辭
或從而求其術則告之曰是安得術吾於築室植木
也知不以彼之成壞易吾之誠於家也知不以彼之
盈虛奪吾之常理於身也知不以思慮撓情吾之曾
中如是耳安得術雖然若有問治天下國家者吾亦
將以是語之其友王文恪公既顯欲薦之朝度先生
不可屈乃止治平中詔求遺逸刺史王才叔將迫先
生行先生陰使人進其弟子胡鄠雖鄠終身不知也

章邱縣志

卷之十一

藝文

三

格非之兄和叔以爲其不苟於吉可似懸髮其難際
似叔度其藏節匿行使世莫得名其高則非仲長子
光不可僭也以考夫功業則疑其數十年間天下之
人有時忠順豈樂之意莫知其然而生忽戾之人亦
有時乎悔艾之心莫知其然而作天地之氣其容與
調暢足以養萬物而秀嘉草者恐斯人與有功焉始
聞去冬奄已卽世子皇皇請議未及此正西山之餓
夫東國之逐臣燕之屠蜀之卜絳縣之老有賴於仁
人君子一言之時也唯吾 原本缺 人質之區區亦欲
藉之以告請議之伯元豐八年九月十三日

迴憶昔童時從先伯父先考先叔西郊縱步三里抵
茂松修竹澗深水靜得先生之居謁拜先生數幸侍
側欣聞警欬之餘獨媿顛蒙未有知識但見先生雲
巾鳧舄羽服藜杖身晦於林泉之間望之如神仙中
人真古所謂隱逸者也先生既歿先考評其爲人先
叔作序以紀名實而太學諸生取其附於策斷之未
傳誦天下儒者尊師之迄茲三十有七年矣先生孫
宗師曾孫理珪更願樹之堅石蓋求不朽後進有立
喜爲之書宣和癸卯正月人日李迥謹題

重修宣聖廟記

元姜國器

章邱縣志

卷之十一

藝文

三

學校之設先王所以明教化厚風俗作成士類也成
周之時家有塾黨有庠術有序國有學其教養賓興
之法無一不具故采芑詠于薪田菁莪歌于中芷肆
成人有德小子有造號稱譽髦者藹如也去古寢遠
上無明天子下無賢方伯先王之制幾於掃地春秋
二百四十二年之間諸侯之築宮室營宗廟爲臺榭
作門廡者載在國史莫不備書之至於學校之制獨
無紀焉漢唐以來稍稍復古留意於茲永平開元之
際可謂隆哉然當時非特上之人有以信道亦循良
之吏如文公常袞者爲之勸率焉國家承平日久兵

革不試年穀屢登正右文之秋也有位君子不於此時主張吾道增飾儒宮是使文翁常袞之徒專美於前也陽邱齊之鉅邑舊有學在城西南隅歲月滋久加以兵火之餘廊蕪廟庭蕭然一空殿堂僅存頽簷敗壁不堪其憂前後令丞不知其幾人視此而恬不之恤大定秋八月從仕尹公來守此邑首謁殿下四顧荒涼不勝慨歎然視事之初未遑修也泊三年有成政多暇謀諸士夫鳩工度材曾不踰時而告成焉棟宇門墻衣冠繪像燦然一新邦人愉愉若覩闕里俾春秋之祀有章籩豆之禮有成蘭臺之英金閨之章邱縣志

卷之十一

藝文

三

彥疊疊然由此而出不其偉歟噫郡邑之官所使承流宣化者也豈惟疲精役神於簿書獄訟間而後稱良哉有能講先王之制遵夫子之道使教化之功廢而復興禮義之地荒而復闢可不謂之賢乎且公勇於義果於政至其章章治蹟著民耳目者則有與人

重修大成殿記

元 劉敏中

孔子之道治人之道也六經載焉以傳而治人之道達天下故後世事孔子之禮由京師以達于天下凡

有郡邑必有祀祀蓋祀夫治人之道也若邑則又治人之近者歟治人之近者其祀宜益嚴其道宜益詳蓋將使人曉然知其道之所在有以陶冶漸摩而必至於善然後治人之責塞矣苟其祀之或怠是怠其道也怠其道如治人何陽邱邑山澤之交土沃而物饒其俗廣而不肆厚而易教治人者可以有爲矣而其所以祀孔子者顧未至有堂焉儉狹卑陋無以嚴大聖之祀累政因襲蓋莫之省而治人可知矣元禎改元之冬賓人趙君去私實尹茲邑奠謁之際喟然歎曰是烏足展吾敬而行吾教乃因民力之暇諏工

度材易堂以殿邃其中峻其基崇其制規模之雄十百其舊榱棟始敷而君以代去於是令尹大名尙君才英嗣其事彌謹而又以餘材新構兩廡七十子之居一葺完之旣成尹率僚屬師生奉像設妥其位行三獻禮以告則階宇廓然神臺肅然罇罍籩豆秩然燦然邑之耆老壯稚則皆瞻聳改觀鼓舞容嗟相謂曰大哉聖人之道也其向化遷善之心蓋油然而中矣實大德辛丑春三月吉也鄉人尙允中以衆議來京師請斂中爲記斂中邑人也曷辭嗚呼一廟之崇卑在聖固不足以損益蓋禮不備則不敢以祭况於

作治人之道者又可以後於禮乎雖然既備其禮矣嚴其祀矣而所謂陶冶而漸摩者果復何如哉其亦曰如是而孝弟如是而忠信如是而禮義廉讓如是而善如是而惡惻惻焉敷宣而告之警懼而導之導其始而要其終爲防而待之其弗率者齊之而已耳二三君子尙有以致其力焉其若是吾知其政事日以醇民俗日以新而事吾聖人之效驗見矣異時有司考其能塞治人之責者其敢後吾二三君子哉故備爲之書將得而徵焉且以志夫來者庶濟其美而不已云

章邱縣志

卷之十一

藝文

一

碑陰記

元劉敏中

章邱縣尹段士英等暨教諭王思哲謂敏中曰先皇繼統之始制加孔子號大成至聖文宣王播告天下令將勒制書于學惟歲月當有記敢請敏中邑人不敢辭乃言曰孔子封爵歷代尙矣唐始封文宣王宋加至聖我朝加大成大成之言見於孟子之書以今觀之義蓋有二何者道也德也合而言之也孟子謂伯夷聖之清伊尹聖之任柳下惠聖之和孔子聖之時時者無可無不可之謂也蓋言三子之聖聖于一而孔子則無可無不可之聖而視彼三者之聖則

我皆兼之矣擬諸樂合衆音之小成而爲一大成故謂之集大成斯孟子以德而言之者也欽惟聖制謂孔子祖述堯舜憲章文武儀範百王師表萬世者竊得而釋之孔子天縱之聖其出入動靜日用而常言之者二帝三王之事也傳諸其人垂諸後世者九經六藝之文也九經六藝之文之所載者乃二帝三王之事三綱五常之則而孔子所得之道也是道也施之身則身修施之家則家齊施之國邑則國邑治施之天下則天下平否則反是曰祖述曰憲章曰儀範曰師表而加之大成非以此耶斯聖制兼道德而言之也尊聖人而至於是至矣嗚呼國家之所以崇奉吾聖人若是其至者豈非在於重斯文而化斯民乎董子曰郡守縣令民之師帥所使而承流宣化也凡在長民者固當加夙夜之勤致公忠之實謹化導之方布朝廷之心使家知孝弟之勸人知禮義之悅易頑弊爲敦朴復暴戾爲良善一邑如是他邑亦如是一郡如是他郡亦如是則斯文效著而承宣之責塞矣矧章邱大縣俗厚而易治諸君勉旃毋爲他邑先則吾屬之願也遂記之

章邱縣志

卷之十一

藝文

三

飲江亭記

元 劉敏中

有國以保民爲難保民以得人爲難究其得人之尤難者曰惟守令焉耳何哉民近故也故守令得人則民之利之不啻慈父母焉苟非其人則民之病之不啻餓豺狼焉非其近然乎夫所謂利焉者不一其道而廉爲本所謂病焉者不一其事而貪爲始蓋廉則公公則明施諸政事皆得民不勝利矣貪則枉枉則暗施諸政事皆失民不勝病矣奈之何廉者之少而貪者之多也一遇廉者則民其幸矣乎吾陽邱鄉當繡江之澳物阜民夥古稱劇邑官是者有司恒慎之大德丁未真定李君惟肅以中書掾出爲是令尤其

章邱縣志

卷之十

藝文

三

選也君之理廉而恕剛而能斷弭姦去盜先教而後罰未幾闔內外翕然稱治至大庚戌春三月以皇太子命驛召入京師於是縣教諭周敬等來謂余曰尹嘗指繡江語人吾惟飲此水耳因築亭廨之後圃扁曰飲江爲燕息之所而未有記願先生記諸石庸示永久且以見吾人甘棠愛戴之意余爲之歎曰幸哉吾尹之廉乃至爾耶夫上能以飲水之誠及於下則下必以飲德之感慕乎上上下下交孚不命而行廉之爲效其捷如是與夫飲民之膏血酣酗而弗顧使其民飲恨疾視欲推去而不可得者爲利病何如哉噫

亭由李君始也繼君而後其能相承以廉爲民所莫成不令之化者固將有賴於茲亭然則亭之作其利遠矣是宜書故書

大成至聖文宣王廟門記

元李 澗

皇元定鼎燕薊設天下郡國皆立學祀夫子以王者禮維是章邱廟學繼數尹始就緒而神門尙未立也至順壬申翰林供奉邢君來蒞茲邑恭謁殿庭顧瞻所未備曰尹責也卽籲衆敷大義創立仍約已節食以先于民構材鳩工相方擴地閱月乃成閎邃淵密邦郡部使者來展紳維稱翰林學士張公友諒卽榜章邱縣志

卷之士

藝文

三

大成於其上使來謁記澗維神門卽古王宮外朝朝以聽政廟以崇敬所以示人倫之至故郡邑必有學學必人知曰聖人民儀惟我民是則是倣然小人無知必上有以教而下斯有以化也凡今子孰教以孝臣孰導以忠必有以身教者而後從以身教人聖人之事廟學之設存其教也今夫入斯門登斯堂博士弟子員高者析經破史盡力攻取奚事爲已自餘凡引類自別武弁功爵刀筆法力戰陣是名案牘是書褻瀆天道玩棄人彝去我聖道犢息麀居乃曰吾術吾術以用世其於儒何用焉嗚呼舍置聖學而復有

術以爲治者我未之聞也然則聖人之教豈曰小補
云哉雖然章邱立學以崇聖教於茲三十年矣而上
之人未聞以身爲教而俾下之人觀感而化者其亦
可恨矣門旣宏高殿斯靖深玄聖南面羣賢在列凡
有瞻仰於其間者得不有動於中乎邢君爲政首事
學校庶幾有志以身率先者是足以爲記君名秉善
復初其字冀州信都人

增修廟學記

元胡祇遹

濟南屬章邱縣戶二萬二千田野水陸宜粟麥桑麻
蔬果澗而爲澤魚藕蒲葦流而爲川水禮千餘區又

章邱縣志

卷之十

藝文

六

支渠灌溉浸潤故少水旱之憂在全齊山川形勝土
脈膏腴視諸邑爲最居民知禮讓識榮辱顧藉而易
教官欲有所爲則趨事赴工縣之廟學雖廢於兵我
朝治定守土者隨卽修營中統癸亥知縣劉彥誠構
大成殿至元八年尹耿繼祖像宣聖堯鄒二國公又
五年縣丞成恕起賢廊講堂二十年春宣德府順聖
王貞來尹是邑嘉前政之功乃曰按祀典十哲七十
二賢漢唐諸大儒不可以不配享歲月旣久聖甃之
破碎者簷楹之腐朽者儀像丹青之污暗者不可不
爲之一新葺月而成無缺焉落成行釋奠禮邑人小

大相慶曰吾黨號稱禮義今復其舊父慈而子孝兄友而弟恭鄰里鄉黨誠信親睦官府貴賤知德行廉耻矣吾之日聞善言日見善事日成善俗然學校之興廢所係豈淺淺哉不可不刻石以紀其事以余適當提舉學校之責使來以文爲請嗚呼汝衆雖微其能已於言乎夫趨吉避凶好安惡危喜福恐禍人心之所同也教道正人明曉理義爲善而不爲惡則有吉而無凶安而不危福集而禍日消不待祈禳請禱僥倖苟勉熙熙然仁風壽域家可封而門可表矣然後知吾夫子澤及萬世之功而人不可以不學宰邑章邱縣志

卷之十一

藝文

元

者繼其功而終其美以人樂善而循理足以傳無窮故不敢以鄙陋不文而不爲之書

劉文簡公祠堂記

元張起巖

古之鄉先生歿而祭於社後世乃祀於學皆所以重民教也非有德澤行業洽於人心英聲茂著垂於後世使人愈久而愈不忘益遠而益以慕殆不足以致此至治二年五月十二日章邱縣鄉賢堂成像中庵先生劉文簡公於中縣尹冀君仁走使濟南求記起巖竊惟公學明德尊施于政事皆爲可法至於忠言直氣聳動一時高風大節凜不可攀求之本朝名臣

當爲第一豈止文章字畫妙天下而已哉像而記之
宜也公諱敏中字端甫中庵其自號也世爲濟南章
邱人初以儒貢轉補丞相掾歷兵刑部主事拜監察
御史時權臣桑哥柄政威暴自肆公條陳其惡劾之
不報遂賦詩而歸未幾遷御史臺都事爲燕南廉訪
副使不赴召爲國子司業又召爲翰林直學士陞國
子祭酒嚴條教以身率勵諸生翕然化服大德七年
詔遣使宣撫都道公使山北遼東以法繩貪縱無間
貴近所至肅然裁冗濫罷興作抑豪強勵風教必務
實惠綿州忽罹水災相率就食它所公爲發軍儲

章邱縣志

卷之十一

藝文

三

數千石以賑之民還安業聞於朝可其奏綿人至今
生之太寧地震公奏疏條九事其目曰重臺省明相
職清省務正六官慎賞罰均榮辱嚴營衛禁奢僭勵
學校皆直言時弊無所隱匿使還論績爲諸道最授
東平路總管改陝西行臺治書侍御史徵爲集賢直學
士商議中書事陳上十一事曰整朝綱省庶政
良剔奸弊闢公道杜私門廣恩澤通鈔法正中貴
武備舉封贈有議立尙書省者公枚舉利病之實詳
言之其議遂格原本缺賓天有希中旨欲爲紛亂者公
入議援典禮爲言彼謀遂阻拜河南行省叅政復以

集賢學士徵兼太子左贊善卽其家起爲山東東西道宣慰使史臣奏纂修實錄特命爲翰林學士承旨榮祿大夫知制誥修國史適有亢暘星芒之異公廼陳弭災致祥切於政者凡七事曰畏天敬祖清心持本更化察吏治除民患章旣上詔皆頒行以疾辭歸居畝畝朝廷禮眷益加凡大制作遣使者卽其居諭旨作焉如丞相淮南忠武王伯顏廟碑丞相順德忠獻王荅剌罕功德碑是也公旣歿制贈光祿大夫柱國齊國公謚文簡又勅翰林儒臣銘其碑哀榮生死寵遇優異賢者之受知於時如公者蓋鮮矣今旣祠而祀之又請記之拜其祠思其人蓋有沒世不忘者存則祠之所繫豈輕也哉雖然公之名在天地與日月同明而其久固無待于祠而爲輕重也然而鄉人祠之于學拳拳焉不敢後者豈惟重懷賢之思亦將風勵來者俾有所取法固非鄉人之私也抑嘗論之范文正公之祠于鄒孫明復石守道之祠于齊衆以爲宜夷考其實公無愧矣傳曰盛德必百世祀公其有焉遂爲記

栢軒記

元張起巖

齊頓邱處士宋君慶餘號其遊息之所曰栢軒頓邱

在濟南府東五十里慶餘之五世祖於宋熙豐間來此愛其山川風土遂莫居焉世隱晦勿耀至其考宣武以武功爲管軍總管修謹自持爲卽闔所倚重故慶餘讀書勵行積學纘文以宿儒隱德爲鄉里矜式陝西提學曹先生元野卽所居留連談論植栢于堂之北粵旣茂遂因以栢名其軒距今至元後已卯四十五年矣慶餘今八十有一嘗以栢軒之記委余控愬未暇也今夏五月徑訪栢軒疎爽雅淡益與隱君子相宜也自常人觀若荒寒幽僻而樂道安分之士得之充然悅可其意余請得以平日所覩者爲慶餘章邱縣志

卷之十一

藝文

三

軒非直見稱今日而其名之永存宋氏子孫蓋將世傳以爲他日嘉其視名園甲第之轉盼易姓孰爲優劣必有能辯之者請以是記之可乎慶餘曰然遂書之

創建鼓樓記

元張起巖

章邱以戶額貢賦爲山東上縣而其山水明秀土壤沃衍又他邑所不及邑城在女郎山之陽西距濟南府治一百十里龍山頓邱長白諸山環列左右錦川繡江明水百脉諸泉潑迴前後田肥土堅桑畦水磴山光林影烟柳溪橋遠近映帶若在圖畫有足觀者

章邱縣志

卷之十

藝文

三

而邑治則宅中而處四境來者道路適均官署外門遺址一邱土俗相傳以爲鼓樓故址廢圯久矣至元四年戊寅縣尹蕭允至圖作新之材用旣具卽撤其舊築臺對峙高可二丈中通爲門而樓其上四楹疊甃以固其基興工於五年之春落成于夏之六月咸謂是役也不可無紀起巖仰惟聖朝承平百年民物繁庶矧茲劇縣民羨而物貨萃戒夜警衆肅民聽而示厲禁者莫嚴更鼓必於尤爽之地則聲聞溥及所以昭法制於冥昧息奸宄於暮夜其所係爲甚大昔人以更鼓分明覘其爲好官非泛論也今蕭尹能以

此爲先務語之僚佐則協贊其猷謀之邑衆則樂助其用賦之工程則亟趣其役不半歲而岑樓轟然鼓角於斯令出政於斯尉主巡警於斯所以增廣廨署聳視觀聽俾盜賊知所斂戢而齊民獲枕奠之安其自此始歟是皆可紀也若夫擅高明之居以示壯麗據登覽之勝以奉燕閒殆非營建之初意而亦非是記之所以作者云

義勇武安王神廟碑

元張祖信

惟王以英偉逸羣之材而當鼎峙分裂之運其在草昧已能識昭烈於隱微想其情同昆弟左提右挈以

章邱縣志

卷之十

藝文

三

至於帝業之成至使祀漢配天吳魏畏之如虎是其大功盛名輝映青史信足以祀而無愧矣是故自漢至今千有餘年而世之用兵行師與夫貿遷游宦者莫不具牲醴祀之而後敢行是則神之聰明正直必有能福人之力者不然何薄海內外咸有其祠齊民小大莫不繪像而惟恐其後乎若明水者廼陽邱之巨鎮也其南有地高亢明爽有神廟焉不知其歷幾百年于茲矣古栢連抱干雲蔽日行商過客莫不拜謁土人奉之歲修祀事祠宇深嚴豐碑未立邑人王欽祖遂伐石立碑以文見屬於予惟鬼神之事愚何

足以知之雖然其同流於天地之間者蓋無所往而不在也神之名在史冊則亦何所往而不傳哉文不足以紀神事紀斯廟而已矣是爲記

甘澍亭記

元劉 礪

甘澍亭者邑令承直劉公之所建設也公素以儒學第進士由南京留守推官改授茲職以泰和之癸亥視事會明年災沴流行自冬徂春雨暘愆期田野枯槁農家窘困皇皇乎莫知所措公乃齋戒精潔引咎自訟躬率其屬遍禱於境內山川之祠未獲其應乃復謀及僚屬詢諸黃髮曰因邑鎮女郎山之高致祀

章邱縣志

卷之十一

藝文

三

於天神可乎輿人咸曰可遂擇穀旦以巳巳月甲午朔舉行祀事而雨降三寸明日備三獻陳庶羞以謝已而天氣清朗惠風和暢君顧謂衆官曰此吉祥美事也豈可泯滅不有興作以志之乎衆然其言遂卽所祀之地芟夷荒穢剪除荆枳若從來之巳堂者徘徊四顧則有翠巘聳於前碧波深於後阡陌之間桑麻畦分闔閭之內室家櫛比遂乃庸夫役鷲瓦木命工構材以建新亭丹雘不塗戶牖不設屏垣之外環以嘉樹亭將告成又得雨三寸浹旬間又雨七寸又雨一尺五寸自茲而往時雨連降旣霑旣足旣優旣

渥闢土殖穀地無遺利萬民絕愁歎之聲百穀有豐
登之兆以斯之故名其亭以甘澍方亭之成也會僚
屬賓客設酒具饌以落成之邑之士大夫因屬余爲
記余亦思前賢王弘中之燕喜亭黎希聲之遠景樓
雖不識按其名而知其亭亦皆爲民而設者至今載
之文集以爲美談若甘澍者斯亦亭之有利於民而
非直爲觀美作也豈可以不記哉故記

新修邑城記

明許彬

章邱城故基也歲久圯甚爲守臣憂然繼令相踵無
視者成化改元巡撫山東都憲賈公秉均以茲邑繁
章邱縣志

卷之十一

藝文

三

大治者不堪爰推境內材吏得嘉祥張侯慶奏改令
焉侯旣至止瞻城心惕若室垣之缺不能一夕安寢
者粵明年都憲原公子英至移檄諸縣悉舉圯城修
之侯斯懷素積成之靡由旣奉臺命百堵亟作率先
羣邦舊門四敞更大之而上加層樓焉由是章邱城
觀之盛巍然立於大省東境之上車馬衝會望見而
嘉歎矣侯信能哉惟令實受城寄以牧其人棄而弗
修可以知政侯始至而能身任勞怨以城藩民不以
時方泰和撤備忘警取姑息之譽是可與語理人之
要術也故記於石

修正衙記

明楊循吉

同年進士宜興陸君希遠以弘治元年擢知章邱至止之日顧視公衙敝不堪處君曰令無寧居身且不安於何圖政由是盡撤故構毅然作之正堂後屋悉如法式客至無不嘉歎以爲有閑麗清嚴之風元棟之大不徑五寸抑未嘗不務約也直以位置良粉飾善是故嘉耳旣成走書屬記夫今世莫不避興作名故寧處陋居敝跼踖俟代此豈人之情哉夫章邱濟南大縣也令旦日出坐堂上握筆授賦註役苟存愛人之心不知省財節力又當幾何孰與以一宅之陋章邱縣志

卷之十一

藝文

三七

自旌者耶且垣舍在政固所當葺令位民上雖稍居華潔亦不爲過事亦必有一人任爲者如以敝敝相授將何紀極是無葺時矣君豈斯輩人哉君固名士得斯職旦夕在召宜不暇復問宅舍而乃如此所謂善安職能任事不遜難者蓋具有焉夫一舉而有此三美固所宜書故書之以彰其美非直日紀歲月而已也

重修儒學記

明陳鑑

章邱學在縣治之西南殿宇廊廡制度完好獨講堂卑陋廢弗稱也諸生亦結茅爲齋散處汚汙草莽

地治業無所累年以來士風寢下科貢乏材人咸咎焉成化改元鈞臺張侯景祥用大臣更賢之舉移治茲邑首謁學宮觀茲荒落慨然歎曰教化之地爲政所先此而不先奚以政爲於是爬梳積弊芟艾豪梗節縮羨貲鬻民地大興作之首建大堂次齋次舍次尊經閣又次作三廡諸役並作而百需不匱凡爲新屋百有十楹費不傷財工不勞力輪奐一新而士氣增倍儒風丕振大爲茲邑之光侯信能哉功成走幣求記夫經國化人學實爲先而鄙儒俗吏率多忽此抑孰知學校人材所自出而爲政之所當先哉况章邱縣志

卷之十一

藝文

三

章邱繡江諸水與洙泗地脉實相連屬接夫子之淵源若此其近也望夫子之門墻若彼其徑也廟學之制豈可爲他邑後而教化人材又豈命爲他邑之所先哉侯能作興如是諸士子居之可不思所以求無愧於學求無愧於侯求無愧於孔子同鄉而近者歟是皆諸士子之所當勉而自修者也是爲記

重修鐘樓記

明 李 錦

大道之行也無事警守故神農黃帝堯舜數聖人者垂衣裳而天下治何者民淳而俗厚無用防禦降及末世大朴一散不可復合爾廬我室此疆彼界一舟

之中猶有敵國卧榻之側不容鼾睡蓋非警守不足以言治矣故先王之立法也必兼盛衰而兩致意焉章邱古陽邱之地湖山之勝爲東州最人物財賦實爲郡之甲邑邑之城隍門堞亦旣僅完惟縣治稍西而南舊有鐘樓一區歲遠傾圮尤甚先是爲縣者漫不加意遂無以節晨昏時警守識政體者恒爲惜之今年春長安韓侯德夫以進士擢令是邑自下車卽詢民瘼除奸弊修舉廢墜旌別淑慝凡令職之宜民者咸著於施爲故邑民之困宿政者歡然快覩若掃積陰而臨之以霽景也越三月紀綱聿布遂以鐘樓

爲起廢第一事迺集邑之耆庶以意諭之衆咸如命侯於是經費度力卽其故址以爲樓焉凡樓之所宜備者皆出於侯之規畫而每盡心思故民不擾而事集財不斂而用足侯之有爲他或莫得而伍也以一驗百循良之政從可卜焉當樓之成也適余過是得與落成之燕邑之卿大夫以記相屬余方病世之俗吏不以窮經學古爲事而徒屑屑於期會簿書之末或以苛刻任其無私或以承順務爲變通視先王之良法美意萬無一舉也而侯獨能識先王之大義而先此警守之政以是爲端餘豈可量哉故余不敢以

不文辭記

望江樓記

明劉樂

呂侯性之治章邱之明年河北盜起旣修城以示守乃於東門之外繡江之崖建望江之樓焉又明年予自衢解官歸侯具酒偕士大夫酌予於樓酒半予舉觴言曰樓侯建也胡爲而建諸此也侯曰維吾邑西距大藩南北多山水之險東臨青萊諸郡實爲通衢而物產生齒富庶咸萃於東盜賊往來窺伺必於此吾建樓於此所以謹斥堠焉予曰若是則所望者盜也非江也而名以望江何也侯曰江在樓外盜自東

章邱縣志

卷之十

藝文

罕

來者必阻於江望江所以望盜也盜之來不來不常而江之滌洄者固自若也故以名也予又曰自盜之興也其亦有至者乎士大夫曰子之未歸也有盜數百人中夜至江欲渡焉宿樓者覺之走白侯侯躍馬出戎服登樓誓衆曰吾不爲若等死守若等不用吾命者有如此江於是以身率衆鼓譟而前賊懼因敗走追逐出境斬數級而還蓋自是不敢犯吾邑矣予喜而言曰侯神算也樓大有功焉而立名之意或有所未盡也昔元有李侯維肅者令吾邑嘗指江語人曰吾惟飲此水耳名其亭曰飲江吾侯之廉實似之

其亦有取諸此乎侯笑而不答士大夫起揖曰意取諸此矣於是乎記

中麓堂記

明 李舜臣

山東名勝稱泰山云泰山介齊魯間其北皆故齊地今章邱亦一區也縣有胡山胡山之高比於泰山可鷄鳴時見日須臾特達山可知矣山有三麓其中一麓爲今選部李君所居人是以稱中麓先生中麓堂成舜臣謹爲之記記曰余幸得交中麓先生先生特秉玄覽自有文字有一未能讀乎讀而無不能有有而無不能言言而無不能媿文章至今若歎古昔百

章邱縣志

卷之十一 藝文

四

五十餘年衆獨所屬聲律何等亦遂其端且如自舉乙丑進士以來遭時少異而多簡嚴陪無事之位祿食當備若以昔爲縣學生時起居內外視何以有異哉人尤所欽何所非其有哉而忻忻然視人寸益而上人操寸益若自以爲弗之如矣往之爲司封也人莫不望當爲選部選部等諸司才賢所由於今獨重譬人喉舌援才而讓善廣招而衆集者其不在容德哉余覽古相權失得失在嫉忌人能先生持是雖佐天下可矣山河之氣始鍾爲人而終有藉以聞胡山自此稱無極焉

木虎氏古墓記

明張茂蘭

木虎丞相諱高琪大金儒將初爲秦州刺史嘗敗宋師於皂角之堡值元太祖帖木真沙漠稱帝戎馬屢犯燕邸紇石烈胡沙虎乘亂弑其主永濟立昇王珣高琪舒忠反正遂誅二凶卽拜左副元帥真祐二年爲平章政事主議金元結婚元乃罷兵金帝懼元師再至棄燕遷汴彼時爲尙書右丞相補築汴城表裏完固及謹斥堠練士卒而防禦有法高琪素與完顏素蘭有隙於是忌其功大強盛而譖其專政金帝不察信之致高琪下獄死生二子曰通曰道後宋孟珙章邱縣志

卷之十一 藝文

四二

偕元那顏併滅金宋金世讎以高琪皂角之捷恨之金元久戰以高琪完汴之禦怒之通道懼隱於山東處居章邱俱卒於至正之末皆葬於女郎之陽因記此令後嗣知其祖之所自始云

雙烈祠碑記

明茅國縉

今上之甲申余釋褐出令章咨諏父老首採殊行凡得若而人庶幾古齊魯風或曰姜婦楊者以身殉夫其侍女劉盛兒殉主余爲之改容起立且駭且訊之廼言者頗遺錯語弗詳余且信且疑也頃之邑縉紳先生抱刺集於庭余就而質之語未竟諸先生咸泣

然素獻膝席而前曰某某耳而目之請具言狀楊
爲章望族少室於諸生姜守身以和柔孝謹稱壺內
外下及厮役無間也世廟戊午十月姜病劇楊以身
禱弗愈俄而且革楊涕泗曰儻天不祿君果不起妾
亦從茲逝矣姜嗚咽首肯者再姜竟死楊號慟而絕
復甦時絕時甦者更日夜潛入卧內闔戶自經母氏
覺之破牖抉垣亟解之甦卻水飲更四日夜不死母
強之食楊稱曰身固母身第已屬之亡人誼不爲母
留矣母老矣安之母以女爲念不聽強之益力卧起
與俱不得已稍啣糜實未嘗須臾忘死也時抱棺悲

章邱縣志

卷之十一

藝文

三

號咄咄如有所共語諸侍兒靡不感泣間慰解之輒
號曰人言螻蟻羨生我則以生爲苦以死爲樂若屬
奈何以苦事強我耶諸侍兒益感慟悲愴反爲助哀
有盛兒者特甚少間悉檢故衣燔之更製衣若有所
待閱四月適墓祭期楊具儀戒其家衆往謁曰留盛
兒侍我足矣知其可與偕死也衆以盛兒在竟去楊
卽櫛髮衣所製衣移榻鴈序於棺東去故書劍爲柩
投纆而逝盛兒亦自經於側侍立若生比墓者送可
二氏肉且寒矣當是時邑人若譁無問識不識環其
廬而吊之於今日且露零草莽矣耿耿如昨日事君侯

得無意乎余歔歔不自禁不怡而罷客迺檢故牒暨
按中麓先生所爲志讀之大都如言者狀居無何侍
御毛公按故事采風於章議者曰茲事久不宜聞聞
之非令甲余惘然久之間按詩書所載如劉更生所
哀次非無竒行芳節焜燿人耳目然未有從容共殉
如二氏者直昭揭日月磨礪天壤千載而下且莫遇
也矧數十春秋乎趣牘報具如狀侍御公督學吳公
竒其事特疏於朝廟祀之上報曰可蓋戊子秋九月
也迄己丑夏五月祀始竣三楹而廣楊像而北嚮盛
兒西嚮虛其中可伏百人外建三楹額曰雙烈祠別
琢石爲坊榜姓氏如上旨南嚮臨之覈其值可百金
羨而楊生居強半焉生名惟中贍于文樂善篤誼故
常狀其姊而乞銘于中麓先生也是爲記茅薦卿
曰語有之死生亦大矣非死之難也處死者難又非
慷慨忿烈剖胷抉腸計不還踵者難也濡遲者難又
非有生平之素情鍾而引決者難也亡情者難又非
亡情者難也其義徹金石誠孚豚魚卒使無所爲也
者而駢首相殉爲尤難嗟乎楊能以其身淹留歷時
而死又能令盛兒偕死可謂兼之矣

劉氏者王君禮子妻也禮子風流人豪非賢不娶頗有王逸少坦腹雅度因慕劉氏貞靜而求配焉氏自適王門恭執婦道大以賢孝聞越十有四年王君以酒疽病歿氏決以死從父母覺嚴而防之逾三十五日而不獲遂其死願因曰過此五七之期死又非其時矣遂堅志勵節爲三年喪乃于故夫柩前一飯必奠獻日夜香五焚卽隆冬酷暑未嘗少輟且三年食皆蔬素不櫛盥不履外戶但於靜室端坐誦菩提薩而已卧側置一鑊一劍防不測嫁娶也每對天號泣曰一日不死一日不得作好人飲食夢寐念念皆死

念也延至三週年故夫原忌日正服闋除喪日也卽於此夜沐髮潔衣用故夫緜索縊於柩側色澤不改宛若生狀竒而異哉其送死衣服備之有素無一人見亦無一人知其至誠真心生於天而不變節義倫理結於心而不解此所以久而彌堅始終不渝也夫死生大矣卽鬚眉男子猶然當死而倖生况婦人女子乎愚以爲歿於夫死之時猶易死於服闋之時則難之難何也蓋乍覩變故則出於一時之奮激慷慨者或能勉之至三年則人情冷淡死心轉而爲生心者多矣氏則從容就死人情所冷淡者正氏所奮激

者也此一死也回光岳之正氣立萬世之綱常培國
家之命脉彰聖朝之風化媿人臣之二心挽波靡之
邪行古之共姜詎不齊芳並烈哉於今合葬矣姑刻
石以紀其事以俟後之采訪旌表云讚曰天經地義
逐流逐波貞婦烈女揚清激濁精貫金石之死靡他
英魂香魄萬古不磨

碑在縣南西王黑莊皇臺
山智覺寺下劉氏塚上

章邱茅令君去思碑記

明 邢 侗

章邱茅令君名國縉字薦卿浙之歸安人也早歲舉
進士第領縣得濟之章邱其大人鹿門先生以文章
政事妙天下而薦卿生爲鹿門第二子體貌豐偉雙

章邱縣志

卷之十一

藝文

四六

目炯炯如巖下電音響若洪鐘驟而卽之嚴毅威重
已而徐與促席抵掌交茗汁不數語畢見肺肝最爲
溫然近人意小不可則又強項不少下蓋文藻風雅
惟自有之至所慕說則任慷慨主風議江南累百其
曹不如一茅公云章實巖邑爲濟南三十屬城冠冕
他郡邑於焉觀政兩臺監司諸上官於焉責治辨其
一切耳目且十而吾之精神區畫才一二窘束不給
短綆深汲其無當於張弛審矣又章十萬之聚四境
多上腴水田灌溉強半待命于人果實田農之產方
之大府賣漿割炙櫛比鱗列若五達之達其人六博

踴躍鮮衣怒馬率善園池竹木之饒俗侈民媮雅號
難治蓋貪泉所匯地安所要夷齊而飲之薦卿之爲
章邱也甫下車卽與民期要令三老孝弟悉披慙出
懷小者口占大者各自爲牒書薦卿乃從而徵之已
復案驗之髮不及握口不竟舖日夜深湛其思而後
厝于事意在挈綱振領推陳布新恨不化百身於諸
郊攬億姓于靈府尺利寸害則祛寸以歸尺久法暨
情則達情以傳法瘠民肥官則割肥以充瘠弱枵強
肉則還肉以實枵夫何自得書生而長吏少俊而老
成南人而不蹶于北步當職而無墮其家聲恒誦斯

章邱縣志

卷之十

藝文

四七

言恣然汗下而立之齡髮鬚爲白其所條記種種姑
舉其最大最利益民則燥吻不能一二述也乃若罷
里甲之供億弛大戶之負擔黜無名之徵催杜額外
之贏羨漕粟則準古飛輓通馬則息肩走卒賦布則
預給貧民之估俵騎則不落馭僮之計帑庾弗噉截
于司存狂狴靡快嚼于魁宿三老一昉漢制之遺而
脫人奴之賤里長第存功令之舊而蔑狐假之威乘
輶者案僅三栢承使者馬才一秣寮佐絕洗沐之費
傍邑競虞芮之質採荒裕法外之奇策賑急副縣官
之德意老人得贍于公童子獲肄于塾節義發三泉

之闕馨孝謹獲四民之上禮至於兩稅以下丁鈔鹽
泉展轉詭秘神鬼其算億兆其孔公損未五私沒已
十在所皆爾章則爲尤公乃洞心如燭聚米爲握單
庸鉅租牛毛繭絲徹首洞尾卽影見形胥吏手不得
以上下周兩急不及以簸弄五襪之內括其省費不
超十萬本之縮已厲操誓天指日白水幾斛青錢輟
直醢醬粳脯絡繹家舫常俸以外唾若糞除公之言
日不腆敝邑所賴生活則在不佞辱令一意力行條
編法夫北地習三等九則若較列皂白一旦盡去其
名而混一之又跡類于幸富禍貧其不無疑駭然而

章邱縣志

卷之十一

藝文

四

不佞爲章民計良熟也按業計賦按戶計徭戶不足
則稍稍均之于業章之土唯章人是業饒于貲者業
廣縮于貲者業微固也今吾按業而計徭是千百其
則也奚九也往當三歲之期猾吏敝民乘而恐之魚
肉之其費百於數歲之徭貧者慄慄甚於富人
今者畫一其規而無陡上陡下之虞漿酒臠肉不以
餌諸其豪一夫一算視昔最下者猶少損焉貧非不
幸也行之兩歲章之土地價值騰涌且三倍之余聞
之而咨嗟太息曰茅卿憂公其效哉余又聞之百里
殊俗連畛異風章之舞蹈驪呼唯恐一日去茅公易

條編者正以章之士多上腴水田饒裕視他斥鹵蒿萊犬牙龜圻什百其科者之徑庭有差也則條編之宜章章之便條編不必論而茅公所爲排囂抒獨不難以身殉萬衆其爲苦心如此萬曆乙丑七月公以高第入矣邑父老子弟數萬計攀枳車輒哭聲震林木凡三日車不得前已從間道乃出境中人人畫象懸壁飲食必祭篤于宗祖公旣去月餘則謀爲立石志思以余從鄉黨間頗有知鑒問言于犁邱之亭夫蘭臺敘列漢紀其所津津循吏無過龔少卿召翁卿黃次公朱仲卿數人而已跡其所行事不過循循奉章邱縣志

卷之十

藝文

四

職亡奇也卒之所居民富所去見思生有榮號死見奉祀廩廩然有德讓君子之風以今觀于茅公其所設施獲效更彰明甚矣孰謂古今不相及也然而茅公長者不自見長或無樂于茲石則有邑父老之口在

文昌祠記

明張企程

太史公曰齊魯文章本諸性生若謂地靈使然有宋五星會于東井迺兆文明之祥然則人文盛衰又若鬼神幹其機者據晉天文志魁罡七星其位四者文昌說者謂主持文衡祀之可利場屋曾未聞宣聖斯

文在茲游夏文學首稱果何祀何主也章邱齊魯故墟人材淵藪先達在夙昔者每科三四人或五七人洎世廟中年之後寢不繼前士論咸咎毀文昌祠爲敬一箴亭余履任謁文廟見箴亭隘陋非所以遵制損撤文昌非所以崇神因改亭于儒學門內之西而宏敞之仍舊祀之三而增飾其七復肖像焉闢大門以當衝衢實惟儒學東南隅卽堪輿家所稱青龍方耳用是神有所安士祛其疑科第之盛行且津津於昔而無斁矣雖然神道設教聖人以之化民若諸士學究奧理非民也不有靈臺具文昌乎誠能觸像而朝夕惕勵不自污垢其神明余未見文之不昌也神祠之復余遂諸士告虔之願功業之敏諸士抑亦副余振作之意歟工肇於萬曆壬辰之孟夏甫浹月而訖焉資出之月俸之羨也

張公生祠記

明張汝蘊

章邑在會城東百餘里爲六郡衝途且財賦浩繁上官責成倍於旁邑自昔號爲難治云藉令蒞茲土者祇知有當路不知有民生則趨承共上勢必腹剝其民雖以之博取聲問而獵致通顯也而實德則病矣欲民愛之如父母家戶而戶祝之也胡可得哉我侯

來宰章邑甫四載上廉異之召入掖垣將償其民功而大用之也去之日章之大夫士與民皇皇然如失慈母相與擁塞郊關挽侯車泣留之侯亦停車慰勞不覺淫淫涕下此時此情誠有摧肝剖髓而不忍別者既留之不可乃謀建生祠祀侯而徵余言紀其事余方讀禮兼之不嫻於文胡能揚侯盛美哉雖然吳公治行爲天下第一嘗知賈生賢而薦之至史不能舉吳公名與其所以稱第一狀則豈惟太史之罪蓋賈生有慙德焉余父若子在侯德教中不啻賈生與吳公已也此而不言異日傳循良者將無所考則余

慙德滋甚矣烏可以無言余聞齊人思其相慶燕人思其守布皆爲生祠祀之蓋感德思報人情然也侯之德政駕軼往昔固宜章人祠之矣余不敢效世俗所稱龔黃卓魯之陳言以溷侯政惟據余素所嘗聞者爲侯記之可乎夫官聯僚佐凡以爲民第資算庸流建豎者寡往往肆搏擊以資橐囊民用重困侯乃慎固扃鑰嚴禁爪牙使不得逞以故窮鄉僻壤之民有足跡不履城市者百姓之陰受其賜多矣吏胥隸役其嗜利固性也然必藉官寵靈而後遂其騙局侯事無鉅細以已裁之而不少假借用是公庭清肅而

左右罔敢有訛法者章俗尚氣雖小憤必就質卽蕩
產不恤焉侯政先勸導不純用誅罰諸待理者亦片
言立決久之訟者罕至肺石虛無人矣章地遠濶難
以速化侯申明鄉約之條俾民相觀爲善焉而奸慝
者革豪強者馴孤弱者安駸駸然有古雍睦之風民
患盜保甲固弭盜之法也侯加意申飭之出入相友
守望相助而四境無竊發之盜者侯貽之也章民無
厚蓄一值災沴便不聊生侯倣古常平制立爲義倉
數十所春放秋斂利濟無窮雖凶荒不虞無備矣章
邑爲臺察督學者行部供億苦難舊一以委諸富戶

賠累不可支矣侯曰富民邑之元氣奈何戕之一切
供具唯命吏人主之未嘗疲民以取譽章邑賦役繁
重民多逋逃遺產荒棄久矣侯乃招而撫之爲給耕
具熟則每畝納穀三升四年之間開墾荒田數百頃
而流民來歸者不知其凡幾也庠校頽圯有司之過
也侯乃捐俸並罰其罪輕者從而修飭之廟貌煥然
新矣而名宦故址改爲文昌祠又翼然一竒觀也暇
則爲期日召學官子弟皆來會以身教之而文學士
彬彬然盛矣邑賦之害者兩端其一均徭其一收頭
百姓畏之若相與赴戮前侯茅公行條編法而害俱

除百姓若登春臺而遊華胥也後有惡其不使者邑人惶急狀如釜魚侯乃始終持議不變惟就其未善者劑量之百姓安堵如故而其感侯與感茅公者抑又過之矣夫羨錦學制自古爲難侯之善政纒纒如斯豈不尤難乎哉而况持之以重出之以平無憤嫉無宿怨無以貧富顯晦二其心此所以固結其民而思慕之不置也語云有功烈於民皆在祀典則章人之祠而祀之也宜哉祠在東門內

邑侯張公去思碑記

明李化龍

往者已丑之歲洛源張侯來令吾邑未踰年政乎訟

章邱縣志

卷之十一

藝文

三

理邑中父老于于相慶曰慈君慈君蓋又三年主上下璽書徵諸所表而侯用治行高等哀然與焉是時邑中父老皇皇然若免赤子于懷因走兩臺使者願借侯終惠邑人士兩臺使者以上命辭邑中父老則又退相泣曰邑人士竟不能留我慈君雖然邑人士終不忍去我慈君而其黠者乃始聚族謀曰古不有畏壘之故事乎夫采英拔異師師而庸庸者主上爲政我父老固無能主上何築厓肖形日日而月月者我父老爲政主上亦無能我父老何蓋祠成而謁碧落之文于余余前父老廉侯治狀父老則又各各前

稱侯仁足質也幹足理也操足風也文則緣也則其
勸誨六合之詠奚珍則其禮讓綿竹之歌益度則其
明刑無延之境尠荏苒則其質誠牟融之庭罕金矢
則其威在等則不以易條鞭則其清嚴關說不以溷
堂皇則其與育配成都文翁之教化則其賑濟倣新
安朱老之社倉枹鼓掩于絃誦碩鼠絕于鴻雁桑麻
蔭于甘棠鷄犬安于祥鸞吾儕小人誠拙言辭無以
槩明府敢徼明公一言爲明府不朽其二三父老荷
明公之賜亦不朽余聞父老言心輒念侯不能已已
獨侯恬澹落穆弗自標榜人也彼且逆旅吾邑彼且

章邱縣志

卷之十一

藝文

七

芻狗吾邑之治是役也將無非侯意卽役成而父老
走告都下侯或愀然不悅曰陽邱人士獨奈何以予
爲杓之人而俎豆予則父老何以應父老則又前曰
飲河者祀河伯食穀者祀先嗇夫豈盡河伯先嗇意
其有功德于民可祀則祀之耳諺曰鄙人何知仁義
已嚮其利者惟有德明府之利邑人士業已洋洋滿
腹穰穰滿車矣是役也吾儕小人知嚮明府之德耳
寧知明府之與聞不卽明府聞而愀然不悅如明公
所稱吾儕小人心亦且甘焉余旣無以難父老退而
檢古史若蔡中郎之頌若城孫興公之贊松陽彼嘗

名能文章家以故考城松陽藉之黃鍾大呂竟以不
朽余自惟弗文卽有文亦如鷲音帶語何敢望中郎
興公獨侯治有異績稱廩廩德讓君子實不遜考城
松陽兄而弟之余旣不忍以弗文辭又終弗能文第
述與父老所往復者屬父老載之碧落之上侯名企
程字某陝西洋縣人萬歷己丑進士徵拜禮科給事
中今遷太僕寺少卿

泮池碑記

明邢侗

蓋董侯蒞事匝月而汲汲也延三老有秩於前曰政
奚辨乎曰侯之以也民其奚與知延行義好學而前
章邱縣志

卷之十一

藝文

五

曰教奚倡乎曰侯之以也士其奚與知侯默存焉曰
是在我是在我以勤厥形以厲厥精期月可矣乃臨
環橋以觀殿廡殿廡嚴矣以觀堂齋堂齋飭矣以觀
門戟之間曰泮酒乎曰無泮曰無泮奚以廟也某不
敏取修闕事于焉諏日徵工度廟前地而闢之厥形
半規取象于璧取制于泮大都具矣而池之前民是
叢焉弗大隘也弗通塞也奚以池奚以廟也乃用
給券民得地延袤若干縱而衢之與廟直前直坊
東南隅翔而塔焉坊而識諸衢聳峭塏爽于制大
而不名一錢帑焉無賜白以奉八量而出佐以結

均劑以度役厥以時教焉是式政有經矣工竣而春
秋中雋者各一人邑縉紳學徒曰侯之功也宜紀謁
邢子記之余侯布衣文字交知侯最深者頽然若順
淵乎似道天之民也人之覺也于教奚有于政奚有
余僭不揣爲記其事而詩諸碑碑曰維泮告成匝月
浹日民之敬共子來父率謂其池只曰董子渾謂其
衢只曰董子術侯也來思身度聲律士也服思景鐘
清瑟爰坐端旒異人造膝爰走褒衣異人載啞爾祖
伊何俎豆維烈厥孫伊何仰止在位凡民有生匪倫
胥通以叙以明茲池永宅

章邱縣志

卷之十一 藝文

五

送龔懋卿序

明李攀龍

蓋懋卿三十始爲郡諸生五十而貢云旣爲郡諸生
則從余游余數稱毛詩大義難之無不如響也明年
以諸生旣廩與許殿卿郭子坤卒業館中藝相雄長
稱大師矣按察諸公開塾于署無不延生者慈谿馮
公括蒼趙公益尤重之凡七大比無不在諸生高等
無不謂成名無疑而竟待歲卽猶若不得已而勿欲
變焉者屬之可以已可以變也初生豈自計至是哉
生家陽邱近薛縣常稱公孫弘之爲人而不直汲黯
也曰弘故遠跡羊豕之間年六十餘以文學徵七十

而爲丞相服習裘褐卽令統綺驟御有肌躁膚癢耳布被奚詐焉顧生少時左挾書右杖筆牧羊山中年二十試爲郡功曹不報繇于陽邱尉庭笞之乃卒業鄉校三十而爲郡諸生弘少爲薛縣獄吏尋以臯免牧豕海上年四十餘乃學春秋弘年六十徵爲博士以不能罷歸後五年再以文學徵諸大常生今待歲應命實年五十有八凡七大比無不在諸生高等又馮公趙公諸按察轉相揚之終不得與計偕何以異弘以不能罷歸也及弘再徵讓謝國人國人則固推弘大常對策策策第又輒居下初弘亦豈自計年七十

章邱縣志

卷之十一

藝文

七

爲丞相然且封侯也史蓋皆稱曰公孫弘行義雖修非遇其時焉能致此位乎時則武帝方鄉文學弘因得以儒術對策奏擢爲第一帝以雄才揚擢俊乂歎息嚴徐之徒報書諸侯王常召司馬相如等視草豈其於弘非辯論有餘習文法吏事而輒自百餘人之下以爲舉首以示在昔不能罷歸爲不知弘必不然矣生以毛詩稱大師大義如響何以異弘辯論有餘習文法吏事也獨以今天子神聖雅好儒術維賢不次千載一時視弘邈矣卽有召問有司發策必以新政先事求備必且預憂胡也余嘗見生爲張中丞圖

上山東要害恢竒多聞業已就緒濮陽戍卒陳氏蓄
異生一諸生隱然敵國卽便宜爲對何不可者乃朱
買臣難弘置朔方之便發十策謝不得一以弘辯論
豈故不能得一於十卽欲有所專奉有所願罷以此
合上意耳然豈異於使匈奴還報時弘固亦謂君臣
之遇非知無以相得也生能如令所對天子善焉千
載一時而亦千載一遇若猶是太常所奏第居下其
對則在我其時不在我也此生一遇彼弘一遇又何
作焉君臣之遇非知無以相得而知不可爲也前以
一人不合罷歸而後以百人之下爲舉首其斯生所
常稱公孫弘之爲人者哉

章邱縣志

卷之十

藝文

五

建置論

明楊循吉

章邱縣者山東濟南府之屬縣也其地東抵鄒平南
接萊蕪西通歷城北走齊東凡廣四十里袤一百六
十里漢文四年五月甲寅於此築城封齊悼惠王劉
肥之子安爲陽邱侯本陽邱食邑十六年侯偃嗣景
四年坐出界貶爲司寇邑除遂改陽邱縣屬濟南郡
又分置菅縣朝陽縣東漢省陽邱朝陽置東朝陽屬
濟南國晉廢菅入東朝陽屬樂安國宋置衛國縣屬
頓邱郡北齊天保七年廢東朝陽置高唐縣於女郎

山之南因漢黃巾城也隋開皇十六年以博州亦有高唐改爲章邱取縣北山章邱爲名隸齊郡改衛國曰亭山又置朝陽十八年改朝陽爲臨濟又置管城大業初復省唐武德三年隸譚州貞觀元年改齊州屬濟南郡元和十三年省亭山入章邱宋咸平四年廢臨濟爲鎮景德三年改置清平軍於縣北熙寧三年廢軍仍爲縣屬濟南府金因之元隸濟南路國朝吳元年十二月大將徐達常遇春統兵至境元山東行省郎中王文瑞本縣達魯花赤普敬奴等率衆歸附仍屬濟南府城高二丈五尺周圍六里其門南曰章邱縣志

卷之十一

藝文

五

明秀北曰清平東曰繡江西曰錦川在山東茲維鉅邑後帶川澤前控羣山厥土肥沃宜黍稷其西多水田宜稻居人兼有桑棗魚蝦之利地皆平行四通八達無險阻蓋青濟之喉襟登萊之要衝也其風俗農樂耕作士知禮讓廣而不肆朴而易教則以密邇大藩人物衆庶廣行腴饒衣食豐羨之所致也縣衙在城內東北隅有鄉六里百有三戶一萬三千一百七十近歲以來累歷材令故得城堞修治解宇完潔稱濟南之縣莫先焉

章邱名義辯

明 陳德安

章邱故有志吳郡楊君謙作也其事備其詞文其志之最優者歟愚於暇日取而觀之至其建置總論及所在境內諸山則不能無疑焉然後喟然嘆曰嗟乎君謙之志亦尚有誤哉愚殆不能以不辯也何也夫章邱者其名義載在爾雅說文說文云邱土之高也非人所爲也爾雅云上正章邱注云頂平也是知章邱之名蓋取諸此矣况城之中央有土高大其上平正得非章邱之所以名焉者乎今縣志乃曰北齊天保七年廢東朝陽置高唐縣於女郎山之南隋開皇十六年以博州亦有高唐改爲章邱取縣北山章邱

章邱縣志

卷之十一

藝文

卒

爲名夫旣曰縣建於女郎山之南而又曰取縣北山章邱爲名則知縣志欲以女郎山爲章邱矣不識所謂章邱者果當以縣志爲是乎抑以爾雅說文爲是乎若果以爾雅說文爲是則凡縣志之云云者不亦有誤也哉况女郎者在城之北蜿蜒起伏週迴數里乃石山非土邱也其上雖有古塚者三然已不可究詰爲誰氏矣而縣志乃引三齊記章亥有三女溺死葬此故名殊不思章亥之說乃三齊記之謬論也惡可據以爲証乎雖曰信以傳信疑以傳疑乃史家記事之常然亦當考其所謂章亥者爲何待人以何書

可徵也惟作志者不察而用之此其所以爲失也夫章亥者豈終於無可考哉愚蓋嘗考之淮南子矣其地形訓有云禹使太章暨亥者乃二人非一人也而今乃通作一人焉可乎不可乎愚又考淮南子載章亥之事不別見之經典似難於遽信而輕用矣彼記三齊者不惟用之而亂其名且又有三女葬此之說是何如其謬妄哉今君謙作志而襲用其說既不深詆其非乃復贅二說於其後云山之高塚見存者或云子張之墓非章女也又云非魯子張乃齊匡章子也凡此皆不讀爾雅說文之過故欲多爲之說而襲章邱縣志

卷之十一

藝文

空

有一是者也不知章邱之章又果爲子張匡章之章否乎嗚呼作志者舍爾雅說文不用而用此不經之說固三齊記之失亦君謙之失也是惡可以不辯乎愚生也晚其於君謙之志固不當輒加詆議但此乃一縣之名義所在其繫非輕則誠有不容不辯焉者是故書而藏諸篋笥以俟高明君子訂之

修大小清河記略

明劉翊

濟青之區有河曰大清曰小清小清之源出于歷城之趵突泉中滙淄濰孝婦諸水東北抵樂安高家港達于海大清則濟水渠也自東阿之張秋東北抵利

津富國鹽場達于海往年舟楫浮于二河商鹽偏于齊魯諸道水利鮮與爲儷自永樂初以來堙塞不通水失其經一值天雨茫茫巨浸壞民田廬弗以數計乃成化癸巳冬叅政唐源潔分巡海右言於巡撫左僉都御史牟公曰今二河爲患守土諸君子以頻年饑饉民不任勞爲辭彼不知救荒之中有可以興利者役民之中有可以濟民者惠而不知爲政惡在其民父母也疏河之責某請當之敢告都憲公曰天下事事當預圖斯無患卽率屬理之無食之民食之而役之庶上下兩得吾知若必能辦此源潔遂躬任其責焦勞靡寧擁節宵征相視地形令水工準高下自歷城濬至堰頭又至樂安小清旣通水循故道退出鄒陰之滑口大清通矣大小清旣通水循故道退出鄒平等邑膏腴可耕之田數萬頃民用大悅其河內脩淺又置瀦水閘防溢置減水閘閘傍各鑿月河總壘閘二十有八濬通水路五百二里於是青船入于濟濟船入于張秋人大稱便

修大小清河記畧

明許成名

濟城之陰曰大小清河皆水支流也濟水伏見不常名隨地異按發于沈溢于滎至于河浮于汶東達于

濟入于海濟今之大清河也小清出趵突泉流大明湖經華不注山會龍山河經章邱會淄濰二河經鄒平長山新城會孝婦河又東經高苑博興樂安會烏河北由馬車瀆入于海此兩河之故道也成化癸巳間道塞水溢大叅侯官唐公議召饑民數萬濬數百里通舟楫之交廣魚鹽之利得湖田數百頃歷城之有稻實自茲始迄嘉靖癸巳蓋六十年大清如故而小清之道自博興而西及淄濰孝婦諸河皆決塞爲害歷下之西北百里水盤迴山阜道多梗塞每秋雨暴漲溪澗川奔漂居廬災禾稼濟人之憂莫甚焉惟

時菴袁公來撫茲土乃奮然曰水以養人顧以害人治之無道耳吾聞之善者順其性莫與之爭爲之委以殺其勢斯轉害爲功矣害之弗祛惟撫之愆遂自博興達歷下開小清故道幾三百里疏鄭黃溝分新城之流疏新河殺烏河之勢其淄濰孝婦諸河則濬其塞導其支而樹之防於是諸水悉平成注之小清河矣又歷下之西南大清河之北黃岡之西舊石橋四出迴折八十餘里河旁達曲貫於是諸路之水咸注之大清河矣夫濟水經緯濟兗之墟千餘里派析條分驅而之道俾生民無水之虞而反滋其利然非

抱康濟之蘊篤極惠之誠闡蒸黎之利審山川之紀
未有能濟者也於乎唐起其端而公益大其後上下
百餘年鴻猷駿功炳炳齊魯邈其時亦癸巳若造物
相之而然者其數數哉苟嗣是有爲之紹殆萬世之
利也竊謂九河失道神禹蹟微而江北兗冀之區每
秋水橫發任其泛溢而莫之理畏動寡謀者則誘諸
海桑陵谷之變而貪功喜事者又鑿以自用而昧水
之宜乃若樹不可已之功惟仁且智者能之故清河
之役三載而民不困時巡按礪菴方公實與有議而
藩臬羣公若先大叅今布政張子欽憲副張子鯤則
章邱縣志

卷之十一

藝文

四

往蒞厥事布政秦子錢叅政李子顯楊子維聰憲副
祁子鶴趙子錦僉憲史子臣周子相謝子蘭成樂觀
厥成惟公務大體略煩細民有陰被其福而莫之知
者去之曰咸遮道慟哭三十里濟守應子櫝乃疏其
事以請余覽而異之曰是東人之利罔窮而愛弗竭
者爲志其略俾後有考焉

潔議

明 李開先

東省青濟之閒水之大者莫如二清河治者顧後河
而先潔何也以其衝要有害用力少而成功多耳大
清河發源平陰縣南柳溝泉從張秋分流而灌長清

齊河至歷城會灤水經濟陽齊東武定青城濱州蒲臺利津諸州縣至寧海場達于海小清河發源濟南趵突泉出大明湖經華不注山下章邱白雲湖會清灤二河轉而之東過澣山泊鄒平長山孝婦河新城烏會河博興高苑至樂安高家港達于海大清河自泰山迤南及西北之水皆注焉會流至齊東勢方洶湧而齊東東南城角去河不過二三步卽陡峻不測之淵是大清河不堪再會灤河蓋會則流益洶湧城益衝浸該縣之城使大清河不與灤會壞亦遲速間耳欲使灤與大清河會流入海不必別開水道但移此

章邱縣志

卷之十一

藝文

五

城東南一角近內內多隙地爲力無難有借言壞城者不可聽也况灤水止令一半由柳塘口薛渡口陳愷溝會于大清河計勢似無不容非全以灤水使之會大清河逆水之性也小清河自省城迤東青州迤西諸山之水皆注焉今灤水白雲湖淄河之水皆徑入大清河不復入小清河惟灤河之水今爲小清之源自柳塘口以西之小清遂廢惟東會澣山泊岔河孝婦河烏河漢鞅河諸水入河中澗小清曲澗尚不知有幾洶湧之勢比之大清稍次然在大清不爲害在小清則甚爲害者蓋大清河深而濶足以容之也小清

河淺而窄不足以容之也故小清一遇山水時發不南決鄒平長山新城則北決青城博興高苑河北有地則欲南決河南有地則欲北決盜開構訟以鄰爲壑殆無虛日漯水在今謂之不導亦可故今不獨治漯水云耳其澑山泊岔河孝婦河烏河漢鞅河諸水併治之維在拆築小清使之寬大高深足以有容而已蓋漯澑岔孝烏漢鞅上流俱各寬大今反注于小清勢轉淺窄安得不決故小清必使大於諸水而後能受今小清底僅寬三丈口面僅寬四丈倘得將小清拆移一邊使底約寬二十丈口面約寬三十丈如章邱縣志

卷之十一

藝文

六

大清規模自柳塘拆築小清分漯水一半之東又開柳塘使漯水一半之西可保漯水永不爲害矣或者又謂小清雖開無益夫漯水不東謂之無益方可然觀漯雖深不盈尺亦向東流是爲害者特窄淺不容非不能流也但開柳塘使漯水之西則小清不必拆築亦不爲害此但能除鄒平青城之害而不能除長山新城博興高苑之害且反爲章邱齊東貽無窮之害矣鄒平青城當漯水東去之上流漯水旣西則二縣安枕雖有澑山泊岔河二水不足爲慮而長山新城博興高苑仍有孝婦烏河漢鞅諸水入小清又不

免于衝決是害猶存十分之七故能拆築小清則孝婦烏漢輾諸水併治之矣是口迤東起至樂安止如此而又開柳塘使漯水西分仍有河決之患未之聞也今之議者皆云柳塘一開漯水不爲鄒長蘄青博高六縣之害是也但不念章邱齊東皆居下流陳愷溝至齊東東門外方入大清該縣東南城角實鄰之又陳愷溝并柳塘迤西至薛渡地方河與溝俱絕無隄防之固萬一水俱之西憑何障蔽反使章邱齊東桑麻之地爲魚鱉之場故欲開此口必先將齊東東南城角移築進內內多隙地不必別開水道致逆水性反滋泛濫城治然後開陳愷溝次及薛渡柳塘舊小清則河與溝與城旣治然後可開柳塘以分漯水之勢拆築小清者仍使漯水一半之東其由柳塘西過章邱北入齊東亦不過一半耳彼此兼得可無大患拆築小清是又兼治柳塘薛渡二口及陳愷溝齊東城水害之一策也不然章邱之害猶可言也齊東之害不可言也可畏也哉大清小清二河旣不相會各徑入海爲今之計惟拆築小清導漯水使之東可也柳塘似不必開但水無有不下柳塘迤東漯水雖流而性緩緩則易壅柳塘迤西若開其流必急急則

易瀉東西高下之勢於此可見昔人治灤水清河白雲湖徑入大清河者豈無見于拆築小清哉蓋因其勢而利導之也欲開柳塘者如昔人引灤水清河白雲湖徑入大清河之例而不盡令灤水入大清河者蓋爲齊東縣城計也其拆築小清者又併治諸水而不專爲一灤也然則一開柳塘一拆築小清功可偏廢乎統而觀之柳塘一開而灤水分小清再拓而灤水順開柳塘所以爲拓小清之漸也拓小清所以爲并治孝婦諸河之本也與其全歸灤水于一河孰若兩分其勢之爲便與其獨惜齊東之一城孰若不貽鄒平章邱縣志

卷之十一

藝文

六

以東諸縣之害之爲愈建久安之治者當酌輕重之宜圖長遠之規者宜審緩急之勢除民害而後興民利有治人而後舉治法誠得人以綜理之爲萬世計而不顧一時爲萬民計而不徇一邑倣禹跡之舊相水勢之宜均夫役之勞平工料之費樹榆柳以作隄防通溝渠以時蓄洩暫費而永寧一勞而久佚然非先治灤水吾恐終有害而勞無功矣故治先治灤而議亦先灤作灤議

申貞女傳

明袁公冕

貞女者申氏女子也世家章邱之舊軍鎮女少有姿

容比長益端重持禮度父母雅愛之以故難其配未
以女人也年且笄尚未行正德辛未歲山東盜起所
在攻城邑掠村社凡女子玉帛悉取去弗顧忌女聞
之嘗曰是無難處者卽有之寧玉碎勿寧瓦合也居
無何賊忽先聲至舊軍倉卒謀者云賊至矣空里中
士女皆走避匿賊時女亦走避匿賊乃被執因獻之
渠魁喜焉日且夕魁欲委禽女難也先脅之曰若知
從我利害否從則珠玉爾錦書而金縷爾不則且血吾刃
多之不爲屈又曰若寧弗畏死固不汝彊也女亦不
屈已而復給之曰若弗我有然豈無家與其父母兄
章邱縣志

卷之十一

藝文

充

弟也吾且反若矣反相見也女如應曰唯然不知其
給我也於是賊度其終不可屈矣遂大怒且笑曰夫
是真不畏死也其果血吾刃矣卒遇害死時夏六月
二十七日女年十有六歲云越二日盜引去中外始
解嚴父母得之具棺槨厝之故申氏瑩君子曰貞女
也夫貞正而已矣一則正二則爲非正曰貞志從一
也因爲作貞女傳

與李少卿中麓書

明唐順之

自呂竹嶼去後與兄遂如隔世每思京都舊歡可勝
耿耿今金攝山之在章邱也是竹嶼之在常彼此消

息之便甚慰甚慰昨得兄書知喪內之戚吾與兄與南江同之悵然悵然又聞兄已得子及後娶復有孕極爲兄喜一身輕萬事足兄兼得之矣復何又求於世也哉弟數年來閉門鄉居謝遣業緣交遊旣簡鉛槧亦疎暖暖虛里桑梓滿眼自是天壤間樂事時復據小樓隱几兀坐一種枯木寒灰趣味更別乃知造物者置我於此意良不薄且端居多暇更有丹丘羽人之想聞牢山海島仙靈窟宅也欲一往焉且將道齊魯之間得與兄一劇談而老父高年勢難遠出會稽禹穴之間龍門太史蹤迹所在兄倘亦有意乎兄章邱縣志

卷之十一

藝文

七

明中丞焦蘅沚先生傳

清唐夢賚

淄川人

焦公諱馨字寧考別號蘅沚山東章邱縣人生而聰穎有異質七歲就外傅塾師授之書一覽卽成誦終身不忘十歲贈公歿哀毀有類成人時公諸父皆起家掾史署臺使章奏有聲置腴產自豐公顧獨抱一

經侂屹晤啣大父弗善也間以此論公令改業公讀
益力下筆輒出驚人語十五歲錄博士弟子員時髮
纔覆眉耳人咸以聖童目之邑令闢譚天館群諸人
士課業其中親爲甲乙之屢以公爲冠每人課與二
三兄弟聚譚戲謔若未經思者日旣午衆方俯首冥
搜公已縱筆疾書烟雲滿紙數百言頃刻立就橐臺
去矣萬歷丁酉舉於鄉辛丑雋南宮乙巳除中書舍
人兩奉使命餽遺一無所受庚戌遷駕部員外郎駕
部職掌東宮旗尉力士往多市猾竄名其中公嚴覈
尺籍虛冒一清時驛傳法寬郵符不無假借公任事

章邱縣志

卷之十一

藝文

七

五年不肯輕以予人卽權貴人爲請不聽也中值孝
定皇太后山陵福藩桐封兩大典禮鹵簿儀仗咄嗟
立辦甲寅晉卽中乙卯遷河南按察司副使備兵大
名轄順廣大三府號河朔重鎮公詰戎飭備察吏安
民畿南恃以爲保障地故多樞手群不逞結黨雄行
間里苦之公廉得其主名繩以三尺咸懾伏不敢肆
丙辰歲大稜道殣相望公捐贖鍰設粥廠以賑濟之
所全活者以數萬計己未晉河南叅政分巡汝南汝
南大姓多收豪奴以魚肉小民人不敢問一故宦子
殺人公據法論抵至搆蜚語幾以考功法中公公執

益堅人比之南山之判辛酉晉按察使仍管道事入
攝臬篆偶值八道并缺公兼縮數印纍纍若若分而
應之裕如也是歲冬以廉訪入覲時臨穎令張君福
臻素有能聲忽中萋菲公力爲剖白雖不免量調未
幾卽擢樞曹後洊至八座稱才望大臣壬戌轉粵東
右布政使時議移豫撫鎮磁州新撫軍馮公特疏改
公河南右布政備兵磁州所統毛武勇三營兵多獷
悍難馴公申嚴軍紀躬爲較閱分給月餉悉手自兌
封唱名敬之并不入營弁手使得侵漁兵士畏而感
之每遇調遣皆踴躍前驅無敢逗遛者癸亥以原官

章邱縣志

卷之十一

藝文

七二

回司管事旋攝其司篆故事支放宗祿類低其衡以
其贏白潤司帑者亦以此嘗公公峻却之錙銖不以
入私橐甲子擢山西左布政使周藩諸宗侯競持卮
酒祖道河干日暮始得發山右歲賦皆供三鎮軍餉
不入司帑其繇司解京者止新加地畝一項公不啟
原封第署一公移令原解官吏自輸納太倉而已以
故弊竇盡塞完解獨先督餉臺省合疏特薦奉旨紀
錄且頒爲天下式丁卯授都察院右副都御史巡撫
寧夏過堂邑會同年友張大司空蓬位坐譚問語及
魏璫建祠事因問公何以處此公毅然曰吾頭可斷

祠不可建司空公笑而領之寧夏故有漢唐二渠引黃河水入灌田人稱小江南歲久淤塞地蕪糧道公銳意修舉蠲負招屯計畝疏濬時出塋垣視其勤惰畚鍤徧野平疇如雲所收入可數百種寧鎮至今頌之時逆璫煽虐生祠幾遍天下寧鎮將吏頗以爲言公不應請之急則笑應之曰倘有禍我自當之卒不爲建祠屢上封章亦無一語頌及厥臣人咸爲公危迨至逆璫事敗諸頌德者皆得罪甚有當時獻諛至僭踰亡等至是反面攻之以博風力者其視公人品奚啻霄壤哉戊辰春南省撫拾及公皆出子虛吏部

章邱縣志

卷之十一

藝文

七

覆疏有嚴毅擔當之語奉旨回籍聽用公飄然解節鉞東歸杜門掃軌終歲不見官府之面惟時與二三故舊談說桑麻及課子孫讀書爲文稅而已林居凡十有三年兩臺使者前後薦剡凡數上公固忘世世亦忘公客有以爲言者輒引大白浮之公誠篤端方寬平樂易居恒無疾言厲色與人交披肝露膽不設城府卽有以非禮相加者亦絕不與較後其人深自愧悔肉袒謝過公待之如初至於大義所關是非可否則又斷斷如也其和而有執類如此忠孝性生尤極篤摯林居多年每見時事多艱輒憂形於色聞正

人進用則懽忻舞蹈不能自已官晉中時贈公遺像不戒於火公夢兩尊人對火而泣比寤爲之流涕早歲嘗就學於姊丈胡茂才家茂才父母待公厚公宦遊歸必爲製一衣歲儉則爲具饘粥費其歿也周身之具悉出公辦高誼厚德又如此公體厚神王素善飲而與尤豪自西夏歸於西郊構一別業雜蒔花卉時拉親友呼盧酣飲往往流連至夜分衆皆酩酊不能舉一卮公連飛數巨觥猶爽然不亂卽古之達人高士得趣於酒者不是過也爲巡撫時考滿祖父皆贈如公官歿之日守臣以聞予祭葬贈工部左侍郎

章邱縣志

卷之十

藝文

十四

廕一子入監讀書子二人長日培官生孫毓慶

國朝江西永新知縣毓楨膠州訓導毓鼎康熙辛酉科舉人毓棟康熙己未科進士行人司行人次日芬承廕生廩貢

國朝江西建昌府推官孫毓瑞順治丁亥科進士戶部左侍郎曾孫舜同候補七品京秩內外孫曾爵名文學幾百人

猗玕洞記

清李縉明邑人

梭山之隩隙地半畝泉可手汲山堪卧遊嘯區三人顧而賞之因面南峰成小洞上敞方孔達天氣也下

鑿斗池通地液也置石几以遲清友橫木橋以引斷
徑洞之外疎竹吟風澄溪洗月洞之內甘泉流碧嘉
鯉浮金每伏臘陰晴蓬跣偃仰其中徂暑不暑祁寒
不寒主人樂也主人苦爲俗客所黷門內一水願割
鴻溝中室幽窈聊當隔塵稱名猗玗方元次山故事
也次山避難猗玗洞號猗玗子主人畏俗客不啻巨
難故亦以名

海巖樓記

清李縉明邑人

樓曷爲乎以海巖名也園中有山有水也斯樓適面
山而踞水故以海巖名之也山不過崷嶷水塵踰蹄
章邱縣志

卷之十一

藝文

七

涔曷爲乎遠以海巖名也水爲溲源而流注於海山
爲長白而脈發於岱是以以海巖名之也然而總非
主人命樓之意也騶衍稱中國於天下八十一分居
其一中國名曰赤縣神州外如赤縣神州者九有裨
海環之乃有大瀛海環其外而道經因言海外五嶽
爲廣堯爲長離爲麗農爲廣莖爲崑崙騶衍薄中國
之海巖而求之寓外主人侈園中之海巖而名之一
樓皆寓言也莊周稱莫大於秋毫而泰山爲小列禦
寇謂江浦之焦螟群飛集於蚊睫黃帝與容成子眠
若嵩山之阿維摩詰長者居丈室而容九百萬菩薩

并獅子座至以一芥納須彌主人之以海巖名樓亦
二氏寓言之旨也雖然非二氏之言也吾儒固有之
易之爲書其稱名也小其取類也大泰山之於丘垤
河海之於行潦類也園中之山水於海巖類乎非類
乎且夫子思子之言山水亦拳石一勺耳及其不測
而禽獸居寶藏興水族生貨財殖園中之山水雖小
亦拳石一勺也獨不可作不測觀乎故知吾人誠能
信理以明心達觀以齊物則我園可以羅八荒爾室
可以週四極統大小者固無大無小者也海巖不在
斯樓而在此心矣莊周之言曰所大者性足也所小
者無餘也故因其性足以名大則毫末丘山不得異
其名因其無餘以稱小則天地稊米無以殊其稱主
人之名斯樓也亦如是而已樓安在乎不可以海巖
名也

章邱縣志

卷之十一

藝文

七

重修女郎山玉皇閣并增複道記

清張倂
博陵人

考之縣誌玉皇廟在女郎山巔布政使董募建昔也
廟而今也閣閣之建起于何年乎閱三陽洞宇記有
曰覆大厦其上爲楹有四未嘗言及于閣閣之建其
不可考乎又曰前峙以閣繪群仙聖像于其背下爲

門以通往來今之大觀樓卽其舊基也詢之父老曰曾記玄帝廟位其上邑侯王公移其下閱大觀樓上棟書萬歷甲寅仲夏知章邱縣事溫陵王振熙建大觀樓剏建之日其玄帝廟改立之年也歟曾幾何時而位置變更若此或曰爲其於玉皇背故移之似矣獨是以神聖攸居之地爲官民遊讌之所說將焉通父老揖余而言曰閣之制舊以梯承其上凡瞻拜者擁擠神前大爲不敬况前有大觀樓相距數武酣歌者恒于斯偃仰者恒于斯度心不安擬鑿壁爲複道改大觀樓爲門制可乎不可乎余然其說曰是真有

章邱縣志

卷之十一

藝文

七

當余心也玉皇固不敢背而玄帝亦不敢卑視之也衆曰唯唯遂謀諸邑之士大夫暨我民人莫不樂爲改觀于是鳩工庀材啟蔽增新載離寒暑而玉皇閣并複道告成功焉父老又言于余曰公拮据二載郎山臺閣始得煥然一新不有以記之後之觀之者不等于前之失所考乎余曰二三子之力也余何力之有焉若乃侈揚盛槩比事類情不待余言之余何多贅謹錄其始末以俟後之有心者

重建奎星樓記

清鍾運泰

錢塘人

陽邱距濟南省會僅百里山有女郎水有繡江在昔

賢士大夫之聲稱與閭閻誦讀呼唔不啻比屋而居
鳴珂之音相聞噫何其盛也何其盛也我

朝定鼎以來幾五十年矣其間藝林鵲起固不乏人然
求其立朝侃侃功業赫奕海內鄉慕者惟焦少司農
焉豈緣叠遭荒亂流離播遷謀生無術不暇計及於
詩書歟不然何前此其盛而今如此其衰也哉余奉
命承乏此間閱誌乘接紳士皆彬彬文學遂於公餘之

暇每月會兩學博進諸生於庭面爲月課鼓舞之以
期其必售乃數年以來游宴曲江翱翔瑣闥者恒不
數數觀卽得捷賢書策名天府者抑何其寥寥也

章邱縣志

卷之十一

藝文

六

之紳士僉曰文廟之東南有奎星樓巍然煥然爲我
陽邱之文峰迨其後叠遭兵燹里社邱墟向所爲奎
星樓者日久傾頽將幾泯滅不可復識矣欲求如初
鳴珂之音相聞必得重建庶乎有濟凡我縉紳疇無
子弟何獨晏然盍出所有以成之請爲之記余曰此
蓋青鳥家之言也古云人傑地靈何在乎樓推斯言
余又不能不信其或有此事也今旣重諸紳士之請
雖不敏當記一言以爲先聲建造之後鍵戶下帷
石渠而傾灑瀨者當必聯翩而起矣余不佞嘉諸紳
士之好義而樂觀其成也是爲記

十友居記

清袁建高 邑人

戊寅春予爲聚樂軒成卽思鑿池種花娛性適趣會
歲值兵燹災稜頻仍鄉人咸以避亂遠適山谷而經
營旋罷余性耽幽閒凡月之夜花之晨雨之朝雪之
夕恒喜集二三知己尋芳攬勝杯盤恒戀戀然如
天涯之逢故人不忍驟去也余家南有先君子所闢
園古栢蒼松平橋怪石峻嶒蔥翠時作龍攀虎跳狀
第以去余居稍遠未能旦暮相親今春乙酉人物安
風景和干戈之變甫熄文章之樂漸興與追述前志復
于軒之東創爲斗室名曰十友居或問之曰士人操

章邱縣志

卷之十一 藝文

七

高堂大厦雕繪色澤囂囂然爲賓友謹呼之樂者亦
多矣茲獨以十友名何也余曰嘻非是之謂也昔曾
端伯擇交花品有十友焉曰韻曰雅曰殊曰靜曰仙
曰名曰幽曰艷曰清曰野賞鑒之下覺一草一木均
稱莫逆余居前有方池一隙地丈餘蓄金鱗種菱荷
池之四隅植花四種海棠一石榴一紫薇一臘梅一
不越寸區而四時之芳菲俱備且軒之前栢可凌雲
桐能蔽日軒之後桃杏濃艷蘭菊清芬其餘種種不
可縷紀寒燠風雨之夕啟戶探視幽艷宜人而月景
尤爲清絕花態柳情山容水意箇中別有洞天矣

一二爲俗人道也樂多賢友花也而人品寓之矣噫
嘻戊寅迄今乙酉春秋興廢其間爲憂爲喜爲恐爲
懼爲驚怖之狀不知凡幾而作此居之志獨不衰室
之成毀信有時哉後之人曠觀治亂之殊追邈創垂
之志素位而行君子之能事畢矣其尙有感于斯居
其尙有感于斯居已酉春暮十友居主人記于海棠
堦下時三月三日也

余青園記

清張篤慶
淄川人

古之稱名園者必曰洛陽蓋其在伊闕轅轅之側瀕
澗穀洛之旁名山大川鍾秀呈異爲都人士之軒冕
章邱縣志

卷之十一

藝文

余

車蓋繹絡燕遊非若一巖一壑僻處山椒人迹所不
至品藻所不及也然則園林之近於城市者其得名
也固宜章邑之比循鐵墓峰而西去城二三里爲焦
氏世圃蓋創於中丞公拓於贈太僕公而少司徒傳
其舊今候補太常君則能守其業者也園名余青故
尙書滄州戴道默先生所題額當中丞公自靈武解
節鉞歸田值明季捨攘之會而乃東山高卧弭節邱
園清風餘澤流及奕世今園之中央有梁鄒張華東
都憲所書雙芝亭蓋中丞公遺制也贈太僕公以至
謝門庭風流絕代南反芳讌珠履盈堦文酒聲詩花

晨月夕高軒畫閣照耀華池昔時盛事邑人士至今猶有餘羨泊司徒公立朝日多里居日少其於亭閣無所增設亦其天性恬淡無聲色之好故耳今太常君耽懷風雅怡情林泉且大懼堂構之或隕而日以綢繆塗蔭爲務余遊處於是久矣嘗試悉探其勝蓋園之中方畝者百老樹千章幽篁萬挺蘭亭涓川不是過也其間池亭叅錯臺榭連延而且怪石駢羅熊蹲虎伏有盈丈者有數仞者而古藤合抱蚶螺紛糾相映於長松幽徑間颯颯然清人心目自雙芝亭之東偏爲寒碧軒弘敞偉岸廊大雄高華池當其前廻

廊通其右而叢竹掩映芙蓉渠瀲灩有邢太僕子愿先生題云文犀冠冠穿林筍翠玉田田出水荷殆得其真矣其迤北爲臨臯閣俯瞰東臯嵐翠萬狀長白諸峰皆隱隱如螺髻拱揖足下陰晴百變咸供幽賞雖下臨長衢而輪蹄軟紅不入珠簾畫檻中也雙芝亭之西循松徑逶迤而北爲方亭臨沼而立磊磊於桐陰高柳間又稍西爲井亭覆以茅甃以石而置水車於井幹之上蓋倣西洋法汲深以資灌溉者也飛輪激水如環無端以蹇衛曳之髣髴如怒龍噴沫濺玉鳴金水徐徐入地轉漾而上作趵突形乃折入鱗渠

而蘭圃蕙晦咸沾餘潤園丁偃仰不事桔槔時而引入清池復淙淙有聲朱魚唼啞碧藻滌洄不減濠上樂也其北爲斐堂堂之前跨池而梁焉有坊曰松濤漱玉其陰曰竹塢屯雲其東爲讀書精舍數區邃室幽窻繩床斐几又別一天地矣蓋是園旣歷數傳而喬木叅天芳林蔽日最宜却暑每當春夏之交蕉林展綠竒卉爭妍枝頭百舌新篁悅耳林下清風舒徐演漾不知人世之有塵襪也蓋太常君賦性幽竒凡所措置出人意表每於園中徑之直者引之使曲境之顯者障之使幽勢之坦者繚之使紆宜門門焉宜章邱縣志

卷之十一

藝文

三

露園記

清張璽 鄒平

昔人以蘭亭配金谷不知蘭亭之林塘谿徑標韻清幽區區梓澤繁華綺麗烏能媿也余自少往來于陽邱見環繡江而辟爲園亭者以十數計若以風流文采探竒選勝所謂城南韋杜去天尺五者幾少矣錦川門二里許南折而西有露園焉園辟於贈公焦心

植先生余父執也家世貴盛碧梧翠竹鸞停鶴峙車
騎盈門載酒徵歌益不減支許王謝倘侖于山水間
也贈公捐賓客後園爲立菴大行之世業當立菴之
里居須次也性瀟灑好賓從歲時讌遊高朋滿座暇
則蒔花種竹吟咏嘯歌常與幽人逸士角以故林亭
之潤色卉木之增植校昔時爲尤勝絕園中央爲醉
畊堂堂止三楹楹之外爲臺虛敞間曠下瞰園中堂
額爲故邑侯呂公雲濠所書堂之迤南鑿方池半畝
石梁駕其上虹影蜿蜒沉沉入水中又其南不數武
有坊焉其陽題曰濕翠流雲其陰題曰日涉成趣坊

章邱縣志

卷之十

藝文

三

之西爲四照亭亭俯華沼菡萏生焉遊魚戲焉稍北
疊石爲山羅列巘岈雅饒異狀米公見之當令拜也
堂之後爲東閣畫檻瑇瑁窗當風眺月則於曠宜而堂
前一帶竹林松徑掩映敞虧恠石喬柯磊磊然又錯
雜相間也每當長夏之交琅玕曼玉踈柳搖金曼曼
松濤與禽聲相上下於時枰音琴韻時出其片了不
復有塵世想余過之入林把臂未嘗不投轄爲平原
歡也因削牘而爲之記

修落坡河記

邑令

史在篇

陽邱固巖邑也其間挹浥灌漑水利徧於東南而西

北諸村獨蒙其害由來舊矣余既承乏茲土幾爲規
画籌度不得其故於丁丑之夏親履其地見其形如
仰釜萬壑爭趨民日在浩瀚煙雲間顛連困苦歲以
爲常心甚憫焉於是日夜爲疏濬之謀往來其地者
久之見有落坡河故道隱隱若可尋者慨然曰興利
除害吾職也敢自委乎乃窮其原委度其廣狹計工
而受之粟俾開導決排引五十餘村之水入於落坡
河以入之洧河從此出作入息無苦昏墊庶幾呻吟
之聲稍息也敢自以爲功用誇我父老子弟耶事之
廢興成毀不容彈指當落坡河之未修也膏腴之壤
化爲荒梗蔓草之場久矣豈復知有今日更生之慶
哉然已利害乘除變於俄頃如此則從此數十年或
數百年又安知今日之膏腴不且化爲荒梗蔓草也
噫法無長存行之惟人難成而易敗者天下事莫不
然也寧獨一落坡河哉乃碑而記之下至用工若干
捐穀若干捐地若干墊銀墊米若干咸附其後使後
之人得以考焉

重修白衣大士殿碑記

邑侯 毛 邑

縣之西南曹范村自前明建大士殿一字其基則皇
人蔡芄所捐贖田九畝亦所施以資護持也功始崇

順九年二月以九月成又潘九思等募貲鳩工共勸
於善之力也迄今百餘載赤白之漫漶不鮮者蓋瓦
級輒之破缺者棟楹板桷之腐黑焦析者李肇基等
愀然曰茲不修且廢建議新之功之竣以雍正癸丑
九月也請余文爲記余曰於哉鬼神之神其盛矣乎
今以力與財之出於已雖貴且親者督而勸之曰無
勸與恡知弗能聽也茲弗督弗勸而若恐後今昔同
揆焉易稱不疾而速不行而至非與今大部廣宇非
果見有如來柱下朝夕沓至與民家喻而戶曉也而
不言而信不怒而畏皇皇然如聞偈帝皈依而頂禮
章邱縣志

卷之十

藝文

全

者非其法之深入人心能然乎哉或曰古人絕地天
通以人事邇而天道遠也子何信之深耶余曰不然
昔商道尊神其君且教其臣民曰予弗敢作福作災
予告汝祖汝父屈平所著九歌有若雲中君湘夫人
者彼其人類能遠見不惑也而言之歷歷若此必有
悉鬼神之情狀者矣然則白衣大士汝能歷言所從
來哉曰否今言空王者曰西竺言元聖者曰妙樂然
皆出於旁乘雜記事有無徵而可信必爲之說反鑿
者此類是也唯斯役之始終堪紀焉

事固有舉之而必不可廢廢之而必不可不復舉者
匪直陂渠爲然而陂渠其一端也陂渠之利旱乾則
足資灌溉而水溢則有以洩其餘惟斯民徂于旦夕
之安而不知久遠之計吏之號才能者但務刀筆筐
篋苟非法令之所及則寧拘牽常算而不敢一輕用
其民陂渠之舉而廢廢而不復舉其或由此也歟余
自蓬萊移章邱每策騎郊行歷阡陌之縱橫睹菑畚
之行沃儼然泱泱大國之風第未見所謂通田間之
水道者私心竊疑之雖不必并有溝成有洫若古匠
人之所爲要其制烏容盡泯也城北有洛汭河尋其
章邱縣志

卷之十一

藝文

六

故道久已屬湮塞詢諸土人知曾經前令史君疏濬
積久不治蓋五十餘稔矣往年九月 前大中丞今
任江南西制府鄂公親按郡邑爲

天子整飭官方勤恤民隱臨所部余上其事因得相機
宜定規畫乘農力之餘間家撫戶諭並不苛切之以
速其成民皆奮興計里分工以疏以瀹于十一月起
工今年二月間工竣揆諸史君所濬庶幾得其遺意
焉鄉之老者來請曰願有記余思河之得復爲河在
余亦不過集衆廣益因人成事已耳而還念民之踴
躍奮迅竟相與舉其所廢者寧可不著其辛劬耶河

計廣若干尺深若干尺延袤若干里用民若干工皆宜書之以告後之人至若史君之創始經營具列永豐石碣沐膏而詠勤者猶歷歷能言其崖畧而茲概不及詳也洛泊河一名史公河宛爾鄭渠召埭云

重修陽邱書院記

邑侯

張萬青

古今來道德之歸政治之本端在乎學矣學之規肇自虞庠而夏序東西殷膠左右沿之周爲學有五厥制加詳漢立三雍晉興兩學唐分七學宋元設山長書院明置府州縣衛儒學雖建學遞殊其廣勵羣倫則無異

章邱縣志

卷之十一

藝文

七

皇朝教訖四海化洽百年猗歟偉歟洵萬世而一時者乎

聖天子光昭文治凡茲在位殫力勤宣誠以敦學之事任人自爲之非所以植綱維成風俗也章邱固濟南名士區也予旣蒞任之明年諸如濬河渠疏溝漕治巷道葺壇宇相度經營粗獲就理而又里編甲長戶紀丁男庶使頑猛無所容而民氓易與爲善每念漢書循吏傳叙黃霸朱邑龔遂召信臣等各有稱述而首推文翁治行非以其興學廣教入人心者深耶縣治西舊有書

院康熙乙亥中予郡戴君前官斯土時所建夫
居官而能立學可不謂知大體耶顧不數十寒
暑而頽垣破屋半委榛蕪豈興之難而廢之易
歟抑繼之者簿書期會無暇念及此歟予廼捐
俸程工而邑之人士共襄其後會作于壬申之
冬告成于癸酉之春凡五閱月而竣事爰是栖
息有舍講晝有堂來學者喜其親師樂羣之有
所也廼請予文記于石予思學以繕性亦以廣
才六籍所陳四子書所記先儒語錄所撰著大
都教人以自爲奚藉乎有司雖然于予心有不

釋焉今夫人爲一事而非在上者勉其進戒其
不率則爲之而必不能底于成卽間有成者而
亦不能羣然並底于成此豪傑之士無文王而
興者自古之所難也夫今猶古也覽盤山之聳
秀挹繡水之清漣固造化靈竒所鍾而人材挺
生之藪也邑乘所載城鄉綽楔所留名賢接踵
儒林賢達後先相望以輝史冊而光俎豆者殆
未易更僕數豈皆天之生是使獨耶其亦有所
觀摩而然者耶惟諸生講其德行習其文藝優
游乎仁義之途直追古人而從之其遇也鼓吹

休明脩

國家任使之用其未遇者亦敦詩說禮使鄉黨之中皆薰其德而善良焉是則予所以興學而亦卽戴君立學之意也夫遂鑿之石用勸邑之慕學而志于古者

遊小峨嵋記

李慎修

乾隆十四年春分後一日訪韓縉雲於繡水莊時日已平西相與上小峨嵋渡玳瑁橋溯流而上卽龍眼泉水之發源處也玳瑁二字取水石激岩之聲因而名之其石多平坦可坐間有空竅則積溜所穿也龍章邱縣志

卷之十

藝文

允

眼泉如圓塘之狀周圍只十餘丈水自中亂湧而出噴薄直上如有氣鼓之友人有爲余言河源之星宿海其形狀亦如此但小大不同耳東坡有言四大從來都偏漏又云天籟無處不有但非大徹悟者多等間錯過乃援筆記之

遊酒塢青雲山記

李慎修

得山之趨卷石皆竒識水之情益魚亦妙古來佳境勝槩何地蔑有不遇高人韻士爲之闡揚剔抉則蕪沒于空山無復有過而問焉者如蘭亭之激湍修竹永州之西山鉅鉤潭非山水之竒而右軍子厚之竒

之也章邱城南酒塢有青雲山高不過數仞周圍不
過里許而景物攢簇極岩壑林木之盛清泉出山之
陰匯爲池甘冽澄深贍足大衆舊名玉龍泉山上有
石劃東南二字非鐫非寫傳爲仙跡亦不能究其由
來也山之東有大石作卧虎狀傳爲落星之精石傍
桃花園有茆屋十數間春夏之交落英續紛林樹蒼
蔚泉流潺潺其中宛然武陵異境也本塢周生瑞菴
靳生子周俱能文章好風雅朝夕觴咏其地地有閣
有橋有石寨俱顏以連雲二字合山水石園得景凡
八焉乾隆己巳之立夏日太學生周子鈞衡邀予登
章邱縣志

卷之七

藝文

七

眺賞覽其同遊者韓縉雲司馬胡赤城廩生彭亮采
周作楫周清菴三上舍相與臨流坐石飲酒賦詩雖
曾氏子沂水春風之樂不是過也諸公曰是不可不
書以貽後之君子乃爲文以記之

邑侯席公治績記

許朝

凡邑之地大以饒者弊必叢蓋地饒則資腴而薰心
之猶胥姦吏每因緣爲蠹孽視百姓爲几俎上物視
長官爲股掌上物其常也官卽刻意于治欲剗剔叢
弊以衽席其民而吏胥屏障其間不得通或不便其
所爲則更釀其官以罪使速去歐陽子稱佞加縣吏

皆宿老其事根深穴堅爲其長者非甚明銳卒難攻
破者是也章邱于山左稱最劇難治乾隆壬戌癸亥
間積弛甚矣撫軍喀公廉其弊思擇能吏往釐之得
席君芬芬時令在平檄調以章邱畀之芬官齊魯十
數年凡蠹吏之爲鈎治有法甫受事按賦額歲入八
萬兩飭羣吏呈征冊勾注字蹟覺有弊符以根冊流
簿多互異侵漁顯然其故勾注向出吏手不由內核
也乃選吏誠實者二十人扁之內署按戶嚴核得姦
吏郭文燦等十人共匿沒一萬兩有奇召詢之色變
免冠叩頭謝芬諭之曰某來釐弊某容爾法不容爾
章邱縣志

神君也大府聞之快然曰章邱治矣先是芬言于大府曰章邑難治不在民在吏居上游給吏事于庭者皆章人令一設施左其畫輒短長其官于上爲詬厲故賢吏率不久其官今某行讒邪飛語慮不免大府曰諾我知之矣吏聞不敢逞姦由是芬得爲所爲于其邑而邑治余于席氏姻通故聞其事最悉有自章邑來京師者其頌聲猶載口質以所聞曰信因爲之記而附章人橐以歸俾後之官其地者有聞

登摩訶頂記

韓尙夏

長白山一名副嶽言其爲東嶽之副也癸酉歲余館章邱縣志

卷之十

藝文

九

於長白山麓九月十九日與同學乘輿登高遂陟摩訶之巔摩訶者長白羣峰中之最高第一峰也於斯時也身立雲霄神週八極固已出乎人間世而與造物者遊矣俯視下方樹葉紅紫交映徧滿澗谷中霜葉如花誰爲絢染是色是空悠然可思也遙望川流如練如帶環繞烟村城郭間白氣瀰漫若斷若連逝者萬古如斯也長白之北麓豬水成湖日光浮耀水面望之如鏡僧人普徵爲余言仙燈神蹟或一年再見或數歲一見當春夏之夜仙燈自湖之中央孤臺來但見風馳雨驟萬燈輝煌一望懸崖峭壁及巖

閣林木之上無非仙燈懸掛照耀又如億萬螢光飛舞空際逢人則衣袖間俱是燈火以手捉之則散燈隨風雨來還隨風雨熄是又靈竒恍惚而不可思議者矣又述其祖師性喜和尚有道術能點石爲金創修毘盧殿如來閣禪規盛比叢林摩訶四圍竒峰環立勢若星拱和尚俱錫以嘉名某峰曰小五臺某峰曰小金山皆以海內名山名其山也蓋一山而天下寶山盡在此矣鷲嶺須彌豈待他求耶昔趙季仁謂羅景倫曰吾願看盡天下好山水倫曰盡則安能但於身到處勿輕放過耳余爲轉一語曰但於身到處

不輕放過則已盡天下好山水矣性喜和尚之名其山也固得一指頭禪而用之不盡者哉嗟乎性喜來而摩訶興性喜去而摩訶亦荒涼矣今且毘盧回祿閣欲復隍廢興成毀固相尋於數而不可逃耶要於真常之道則不以是而有所增減也茲遊也同行童冠凡十有二人升自小院歸緣石峪相與探山水之幽竒泰動靜之機緘謂之遊也可仍謂之學也可

修章邱縣城記

張萬青 邑令

自畿輔以南萃泰山滄海之勝以爲之環衛者首性山東之省自省會以東萃長白瀾江之勝以爲之環

衛者首惟章邱之縣章邱西枕會垣東接登萊青沂
數郡凡冠蓋之所經與夫賦貢之所入行商估販之
所往來絲粟魚鹽之所交易靡不先滙於章邱而後
折而入會垣焉故其地較他邑爲大事較他邑爲煩
而宵小伏匿亦較他邑爲難制蓋勢使然也 國家
列聖相承重熙累洽百有餘年極諸海隅蒼生靡不
含哺鼓腹安鑿井耕田之樂車馬所通幾至夜戶不
閉依古以來未有盛於斯時者矣然揆諸有備無患
之道連城列郡文武相倚軍民相錯星布碁置頤使
臂引遠而關隘險要近而斥堠堡鎮歲時葺築毋致

章邱縣志

卷之十一 藝文

九

頽敝凡以壯聲靈於永固遏奸宄於未萌者胥於是
乎在况城塹保障一邑四民所聚集若勿壯厥觀瞻
其奚以布教令資守禦乎攷章邱石城自前明神宗
時易土以石至 本朝康熙中令尹鍾君重修之於
今又七十餘年有竒城東控洧河泉源溢溢伏秋多
雨易成巨漫波濤下激雉堞上傾牛羊踐履行人可
踰苟復遲遲需之異日將隆者以平閔者以通費益
靡而工益難集矣余至而喟焉廼諭諸紳士曰惟茲
邑大且繁密邇會城當東路之咽喉今城郭未獲完
堅啟閉無資暴客莫禦非惟官斯土者之曠厥職抑

亦居是邦者之憂也衆皆踴躍以謀趨事或資以贖或勸以粟甃石土木之屬視其力所能爲者咸取飲之經始自乙亥二月之望至五月而告竣城樓翼翼堵堞齒齒睥睨舍宇可守可宿郭廓壕塹以障以流閉關擊柝內外井井雖自固一邑疆圉而環衛會城屹然百里之近庶幾東面偉觀衆請誌其事于石爰誌其丈尺曰城圍六里高二丈二尺有六寸而迤其上其梁堞曰二千二百六十有四四門之上凡四樓樓皆三楹其上木之工曰土工共三萬七千五百二十木工八百九十其捐資及經理紳士并趨事人姓名脩書于左

章邱縣志

卷之十一

藝文

九五

- | | | | | | | | | | | | | | |
|-----|-----|-----|-----|-----|-----|-----|-----|-----|-----|-----|-----|-----|-----|
| 李鍾觀 | 李法祖 | 韓漸 | 韓學賢 | 劉存忠 | 李漪 | 孟有德 | 高嘉會 | 李大猷 | 高嘉德 | 史丹詔 | 高嘉修 | 韓奎光 | 郝廷佐 |
| 牛世厚 | 鞏廷桂 | 高居寬 | 楊和 | 張延光 | 焦綸祚 | 王世忠 | 高嘉德 | 史丹詔 | 高嘉修 | 韓奎光 | 高嘉修 | 韓奎光 | 郝廷佐 |
| 牛湖 | 鞏萬溥 | 李岐 | 潘淑林 | 高萬春 | 李坤 | 韓振旭 | 高嘉修 | 韓奎光 | 高嘉修 | 韓奎光 | 高嘉修 | 韓奎光 | 郝廷佐 |
| 王長濤 | 鞏廷棟 | 張廷杰 | 劉大禮 | 韓振英 | 耿緒有 | 李璣 | 高如响 | 韓奎光 | 高如响 | 韓奎光 | 高如响 | 韓奎光 | 郝廷佐 |

監生 李肇聖
監生 常世勳
監生 畢崑
監生 史廷選

監生 史麟詔
監生 李珏
監生 紀璋
監生 王調

監生 徐鎧
監生 韓師愈
監生 李沂
監生 韓麟第

武舉 郭之藩
監生 張連舉
監生 靳盛基
監生 靳國春

監生 王延美
監生 邢之文
監生 閔宗舜
監生 張唐珍

監生 李士杰
監生 楊山
監生 李琰
監生 焦更發

監生 高如雲
監生 高發祥
游勳
馮存孝

郭應宗
張成
侯選 州同 紀綱理
監生 甄環

監生 孟毓和
監生 邢世祥
監生 霍正
監生 甯鍾岳

武生 李偉烈
監生 甯永紹
吏員 高培興
監生 王廷光

章印縣志
卷之十一 藝文
雜

貢生 張道遠
監生 李廷弼
貢生 李廷幹
監生 韓鎧

監生 李金洙
監生 王承基
監生 焦汝權
監生 潘象晉

監生 李光宗
監生 焦汝霖
貢生 耿配元
監生 焦阡

員生 靳宇桂
監生 李宗先
監生 趙龍圖
王印昌

監生 王鵬
監生 李峻
監生 李岍
監生 李禹年

監生 丁文錦
監生 韓有智
王士一
監生 李之菁

監生 李之振
監生 李之材
監生 李之魁
李允實

貢生 李璞
苗龍
孫貴
宋立宗

監生 孟可舉
監生 馬贊
監生 馬汝舟
韓士振

監生 馬可慶
監生 馬汝霖
監生 孟可成
監生 張廷

張宗 監生 李士發 監生 李克相 監生 李克復 監生

監生 徐必端 貢生 郝廷翼 貢生 郝廷輔 監生 郝廷敬 監生

貢生 程蓮芳 貢生 彭文行 貢生 韓可式 貢生 孟有恒 貢生

貢生 韓近光 監生 孟克儉 監生 孟有禮 監生 孟可大 監生

袁華宗 張廷詔 李元考 監生 李可大 監生

監生 張廷相 時存智 監生 劉昌祿 監生 徐端 監生

蘇勇 監生 鞏克和 監生 顏卓如 宋可觀

習于成 習惠來 許世可 王肇祉

監生 李永吉 李子連 司理 陳玉周

翟開基 王子魁 王珍 于世富

章邱縣志 卷之十 藝文 九

賈恂 王岱 姜世正 高運美

金重富 楊脩慎 宋永魁 遠有仁

李趙玉 位克生 韓克讓 韓思義

王敬倫 王安儒 監生 李際太 張永臻

黃登甲 王天執 耿復生 王起生

張鳳崗 陳莒 劉道章 駐高芬

高立身 監生 高亞玉 武舉 木與 監生 郭丹桂 監生

郭月桂 趙瀛 貢生 馬洞 馬浩

郭廷楫 謝宣 劉克敬 郭天禎

武舉 木勇 張杰 監生 高發祚 高潭

趙元 袁培 李思薦 舉人 王恒振

武舉 李思夔 馬登盛 監生 王士魁 監生 王士玉

監生 靖懷治 監生 李培基 監生 韓春進 監生 劉宗向

員生 李明紘 孫強 牛成緒 魯經

牛祿 張昇 高元禎 牛成德

趙承先 員生 崔恒昌 張燦 監生 李廷猷

員生 趙大成 袁志恕 袁洲 焦懷奇

監生 焦懷年 李聖德 索希武 張克儉

任祥生 劉大瑞 曹彥文 楊廣岸

李連 齊瑄 監生 張延錫 李道興

章邱縣志 卷之十一 藝文 九

員生 袁曾若 貢生 焦更盛 監生 焦鵬翰 董則昇 王言絲

董耀 李中魁 刁可才 韓百起 賈公倫

曹世福 王立本 監生 王日幹 王漢圖 監生 高岸

辛世臣 王進敷 辛國 俎起章 劉璠

宋秀卿 王開貞 王世貞 監生 劉文生 胡增職

監生 高宗佩 郭希堯 監生 胡進職 胡之璠 監生 李克勤

溫來儀 監生 丁瑗 李可立 監生 徐得榮 苑有瑞

李鵬聲 孟阜 監生 苑鈔 孟洪道 鞏森

劉琨 崔琦 張桐 宋在中 員生 鞏光熹

王文昇 員生 王鍾喆 周才 監生 王文子 牛世銘

張克生 張天瑞 李浩 牛秉許 牛龍

沈志洪 高文學 李振遠 王文源 董日義

徐文進 董勳臣 張純進 聶世績 王文輝

于泮水 李克湍 齊正子 翟昌賢 王養純

侯繼德 曹逢會 侯魁公 于祥福 鄭于文

李遜 李玉恒 董芷 王子厚 翟寶山

高登嶽 張思恭 栢必進 張興俊 李茂

劉安常 陳瑄 蘇賓 張斐然 翟位

王繼富 逮棋 楊上擢 李名揚 潘子連

李廷睿 劉山宗 鄭貫一 王贊 張永實

章邱縣志 卷之十 藝文 九

劉茂旺 張足 陳淳 宋可均 栢景泌

韓學禮 杜天瑞 趙鵬 韓鎮 王師文

李振清 康士吉 郝凝祉 郝廷禮 高識

袁志忠 劉璋 王洵 郭茂俊 康立統

康士珩 郭朝臣 陳玉瑞 徐雲法 劉世美

閆楚玉 單開宗 馬大武 張希崇 李泮

李沆 竇實秀 李秉和 郭斌 王書昇

林鴻文 林楷 李焜 尹克襄 王襄

王鑄 張彥棠 王模 馬文純 馬存智

劉岱 劉忠 王廷諫 王希曾 李廷驊

明聖淵 劉三元 高進忠 辛恒欽 辛監遠

吉大木 劉義 李汝翰 左九常 趙世秀

劉自平 韓子任 劉天瑞 馬士隣 馬克家

孫登武 李宣 栢月 栢盛清 栢佐臣

孫章 李安 王繼聖 張世則 鄭純仁

翟從仁 程佩乾 劉子均 韓若 景道南

孟緒 于祥 宮在蘇 李兆瑞 韓成

李春平 景峯 景玉杰 高君德 孫如連

孫鉅 王瑞貞 芟亨三 劉克讓 曹廷祿

李克昌 劉進向 景志誠 于清 劉加寶

章邱縣志

卷之十一

藝文

百

張世公 張立吉 劉元弼 陳秀 朱銑

張苙 張可學 栗國翰 杜聲 孟興倫

李景信 韓珣 寧朝柱 寧待吉 李天禎

寧杰世 張珍 李汶 喬朝潤 張世宏

木士元 宋士魁 張維 張志棟貢生 李思荃

生員王射斗 張魁 于之泮 杜机 劉聖學

董萬選 盧朝忠 張平 徐賓 車世禎

孟九思 尙萬邦 王傑 李善德 孟世隆

候選 縣丞

彭紳 馬元方 孟彥昇 宋金 周濟

張盛喜 張日躋 馬福長 張可昇 解斌

解 勛 李 卓 李 東 誘 張 金 玉 金 麟

生員 馬 明 恕 李 藻 周 泮 孫 克 修 孫 國 幹

雷 文 在 張 玳 解 天 保 馮 志 恕 高 巖

單 洪 基 陳 士 猷 劉 志 運 張 淵 張 日 端

張 居 廣 吏員 李 之 芹 李 天 儒 監生 李 希 端 監生 李 若 璟

李 若 璉 弭 有 爵 張 本 靖 昇 王 政

生員 郭 都 廓 梅 瑞 劉 棟 張 繼 孟 隗 朝 聘

韓 毓 澤 劉 志 瑞 孟 子 惠 董 和 震 張 牲

賈 忻 王 習 孔 呂 希 堯 張 天 祥 季 印

方 鋹 王 國 俊 李 如 棠 劉 顯 陳 緒 祖

章 邱 縣 志 卷 之 二 藝 文 百 一

宋 銑 李 珍 李 國 安 王 延 慶 宋 由 子

趙 存 德 姚 宣 李 侗 李 伋 王 應 舉

劉 恒 杰 王 萬 年 馬 自 林 王 仲 岳 杜 克 儉

王 讓 高 鳳 庭 曹 得 時 董 天 祿 李 謙 六

李 有 仁 石 守 德 李 德 貴 謝 永 和 張 禎

張 鋹 張 煥 趙 奉 整 張 維 新 張 繩 宗

王 之 晉 呂 懌 呂 彥 超 許 讓 國 孫 士 宰

李 甲 郭 洪 選 高 因 時 張 存 恕 李 永 劬

吳 法 周 劉 士 亨 栢 宗 舜 宋 際 舉 馬 倫

馬 濟 世 王 太 邦 畢 聖 珠 馬 良 陳 士 修

傅朝棟	張訥	杜家聲	蔡維儀	白天保
于淳	劉文綱	黃濟堂	康會林	李鳳岐
李世經	劉際賢	羅廷試	胡德菴	田祿
高志禎	馬模	邢之祿	荆恒泰	宋廷棟
韓雲	李桂	王大成	王金	李潤
李訓	李瑤	王岐	孫良富	李有隆
時一山	胡際武	劉精一	孫大倫	陳可愛
趙興東	李璞	李大學		

道濟三泉記

姜繡邑丞

章邱縣志

卷之十一 藝文

三

章邱名泉著天下自明水聖泉之外其隨地湧出者
 多至不可計而斥鹵之井苦鹹之味獨聚於西城之
 內外焉西城內外烟火輻輳四民百貨所集非甚有
 力者不能厚儻值勞往返日遠汲繡江負荷七八里
 之遙以爲煮茗之需蓋天地剖判以來所無從挹彼
 以注此者也嗜亦憊矣余官舍近西城乙亥與邑明
 府張萼田先生同被薦入 觀予先歸童子煮茗進
 余飲而異之童子曰是張公泉水也問孰爲張公泉
 曰張邑侯興工修城衆取土於城西門外之壕而泉
 乃滂然上溢焉清冽香潔酌而愈盈一日之中共得
 三泓相離不數武犄角相望衆欣然相謂以爲斯殆

天之賦我賢侯者耶遂卽廓之爲三井而名之曰張公三泉此泉之所由來也余嘆曰宜哉張公之泉與古之所云召埭鄭渠者合矣雖然召公築埭而名埭鄭公疏渠而名渠要未若張明府之修城而得泉也夫古之泉以人名者若范公泉六一泉之類好事者歌咏不絕然亦先有泉而以人字之非先有人而以泉應之也今明府政通而事舉惠洽而民和其將與彼造物者通以呼吸而貫以脈絡也是德化之應也是醞泉之湧也名以張公不亦宜乎旣而明府歸闈民之以張公名泉也謝不敢居乃因城西門舊額而章邱縣志

卷之十一

藝文

三

道濟泉釋言

張萬青 邑令

水之流而成川形者曰泉泉水源也正出者吾知其爲濫縣出者吾知其爲沃穴出爲沈尾出爲瀆同出異歸爲肥其有光華者謂之榮飛如白練者謂之立而又有所謂濶者淪者涇者漩洑者凡此類吾皆知之則吾皆能名之若民則惡乎知之而又烏得而名之章邱縣治西偏有水盡伏土塗列屋而居者皆行

汲於城東之繡江今年夏六月忽有三泉涌出居民咸樂其便已因思命之以名夫名者所以求其實也彼民則何知乃此唱彼和同然一辭其名之爲張公泉焉是時予方從事城池其工次第告竣故民遂假借以歸美云嘻是烏知泉之所以爲泉哉今夫泉或名之曰醴取其甘可以茹或名之曰湯取其溫可以浴要皆名以義起而非漫然假借者茲之假以名泉殆使予常留遺憾於陽邱耶以予改官來此諸所爲力不暇給者何限卽城垣一役亦不過藉民力以幸觀厥成其可假以爲名乎是不可以不更也因名之

曰道濟泉同僚姜君旣先作記而予復自抒所見爲釋言道濟者城闔舊額以泉在其傍故名

城工司事

許	洪	竇毓秀	陳永和	郭	恊
鞏學文	許	淮	李	祥	柴
貴	王	連	石文玉	郭	成
盛	郭	成	郭	盛	
苗	得	康	宗	張	玉
張	珏				
王	安	馬	吉	尼水匠	孟英等

